

幾社壬申合稿卷之七

華亭杜騏徵 徐鳳彩 林希顛全選

五言古詩

傲古

李

雯



寒日照北林。悲風號其巔。水雪相層居。積幽無與宣。歲暮懷苦心。慷慨思長言。高臺植棘荆。卑岸樹芷萱。菀枯各有遇。誰為相周旋。眷彼蒼鷹姿。翱翔陵中天。苟自生羽翮。孰云非高賢。如何幽居子。沉落傷華年。

其二

宿管好童心。崢嶸視九州。跳達臨路衢。意廣難爲謀。二十事詩書。折節下朋儔。覽古不得志。壯士成舊丘。徽音蒿與萊。燕雀鳴啾啾。豈無吾所懷。欲告將無繇。東者流水駛。西者白日浮。是道不可易。惄然起長憂。

其三

採穀崑山禾。路遠不及殮。假衣吉光裘。歲晏不及寒。遙望雖苦辛。此志良獨難。君子有異尚。小人多

平權手植青桐枝。繫以翠琅玕。萬年摩穹蒼。時一儀鳳鸞。吾生誠不待。聊用息徃歎。

其四

東吳富烈士。專諸及要離。清霜發中懷。凜勁生悲奇。斯人今已亡。聞有舊冢閭。松柏生其身。狸狌舞其墟。取琴向此彈。用酒斟酌之。擊劍起心歌。涕淚沾吾頤。寒衣舍之去。白日無光輝。

其五

孔雀矜羽翰。刷翅臨南崗。爰遇雙鷺鳥。讒我於鳳

鳳本自懷醜質。妄欲相摧藏。朱厓從西來。黃鵠偕
翱翔。相期輝天衢。繽紛有容光。倉黃束孤味。翕羽
逃菰蔣。惜哉秉高德。細故時相忘。

其六

雲霓織如組。山川鬱紛拏。生不近日月。孰能無崎
嶇。茫茫視荒城。人獸相雜居。各自榮其生。角牙與
刀鋸。夸父自驚歎。豈能恨陽鳥。安得返太清。逍遙
陵長途。

其七

吾有雙珮環。結綠與懸黎。左刻青松枝。右蟠蛟與
螭。羈以朱絲繩。襲用冰蠶絲。犀犢蔚龍文。嵌巖吐
火齊。置之懷袖間。十年無所貽。寶此神物光。恐或
沉污泥。

其八

晉日湛盧劍。光聲冒三吳。一朝舞白鶴。驚飛入楚
都。燁若流星光。皎如匹練舒。瀟湘積雲霧。不敢相
盤紆。楚王夢中見。欽若賢士俱。再拜列九賓。拂拭
召風胡。龍淵及工布。因此相奔趨。不見鳴犢歎。仲

尼爲迴車

其九

黃河西北來。江漢爲南維。不期會溟海。同波不相
疑。神龍輪上天。澎湃空中施。蒸然起萬族。不知誰
所爲。如何窶藪子。中田畫町畦。鳥雀各自飽。紫蛤
不相肥。顧此復奚嗟。小物多紛岐。

其十

盧敖山上呼。若士雲中遊。攜手四五人。洪崖與浮
丘。裘氏呻吟者。秋栢徒脩脩。不見秦王醫。車多乃

益羞。豫章宿爲薪。梯楊不相憂。愧非趙李姿。無爲
驅鳴騶。

其十一

西北有好女。綽約芙蓉光。紫霞爲上襦。白雲爲素
裳。秀擢停玉枝。微風激中香。含思無所繫。挾志凌
朝霜。奈何彼戚施。肩鬣姿猖狂。怪鳥牖間鳴。青雀
高飛翔。飛飛入何所。不歸白玉堂。遠望使心迷。流
光結中腸。

其十二

人言長生樂。長生良苦悲。朝見親戚。歿暮見城郭。
非高臺生黃埃。豐屋臥狐狸。歿者則已忘。生者徒
長。嗔。仙人王子喬。奉吾藥一笥。三歲不敢吞。心中
生狐疑。

詠懷

徐孚遠

灼灼炎夏日。憔悴理憂端。流光不可逝。白雲何盤
盤。有客自南來。一言良獨難。加餐若不足。焉用生
羽翰。終恐所懷忤。愧彼峩峩冠。

其二

朝霞何光輝。燦燦著層嶼。幽鳥欣奇懷。於時多令
音。浮雲不盈掌。白日爲之陰。變化詎可知。昔歌今
則吟。去去不相望。風雨還故潯。

其三

巢中兩黃鵠。其一凌層風。凌風亦何之。所悲羽翮
毳。傍有挾彈兒。上有張機壘。何爲用射我。咫尺玄
都宮。雌鵠仰天看。雄鵠還入叢。去住各有時。鬱鬱
兩相同。

其四

昔日翠蓋君容顏苦不好繁華未盈夕所幸致身
早一朝推遷至黑頭居然老管美不可持今貴詎
能保虞卿方著書甯子歌浩浩世事迤參差何爲
激懷抱

其五

徘徊池塘上回景翳白場高蟬發清響不餐何自
傷因思賢達士貧賤不可忘所以采芝老長歌振
徽光今我獨何適浮沉各異方鬱然念生平孤雲
依山崗

其六

揚舲發枉渚意欲凌紫霞風颺起天末川谷勢峯
嶺相顧咫尺間傾側愁日車大澤不足問隱見迭
龍蛇拔劍揮繞波一棄莫重嗟矯矯雲中鶴田田
水上苴沉浮同一時去矣山之涯

其七

丹桂生高崗朱草陰山阿草摧勿復言桂折當奈
何禍福非異門貴達傷者多一兔不再冠勢去如
流波誰念生平時小吏得見訶矯矯吳市卒避世

方行歌

其八

世難不可干。屯夷固云推。抗身學土木。達者傷奇。
姿。我聞龍變化。屈直無常儀。白玉摧爲薪。在盛理。
不疑。如何秉幽尚。長嘯高山厝。寄懷任通塞。宴宴。
終保持。

其九

同川而易流。波逝去難回。怨毒結中腸。宿管委塵。
埃。片言傾意氣。千里相徘徊。顧盼遺光澤。諧笑不

爲裁。如何兩决絕。明達多嫌猜。荀王不終好。殷劉。
勢相推。山岳起一時。見此令心哀。

其十

念我生平時。慷慨意何長。棄去誇與名。寂寞懷古。
方。鳳凰忍朝饑。相將凌雲翔。豈言終憔悴。曠世不。
可望。壯盛旣消捐。知謀不得彊。芳芝被山澤。倏忽。
委嚴霜。

前題

夏允彝

戚戚非所持。感來難復已。仰窺浮雲馳。俯測飛景

駛將憂世不治。卑賤孰爲理。南山莫隱淪。東臯失
耘耔。至人欲無爲。忘機視流水。

其二

萬里不徒往。積風輕羽翰。皤皤渭上叟。俟時良亦
難。五世藏金盡。天下驚報韓。栖栖懷玉士。永歎常
編殘。霖雨自西郊。陰霽日漫漫。寧知蛟龍騰。澤藪
翻洪濶。

其三

日車或得翻。羲和益鮮暇。鳩鷹以時遷。萬物慎變

化。不聞鷄失鳴。鸞鳳代時夜。天馬龍之友。豈充鼓
車駕。暉暉陽春姿。忍以輕風謝。

其四

二十未知書。光色跨儔伍。長大益習誦。端然念千
古。忠信道不合。縱橫焉足數。賈生阨絳灌。蔣席猶
傾吐。豈意瑯玕姿。棄捐久塵土。中懷未忍停。放歌
長獨舞。

其五

中夜撫劍起。一怒掃穢濁。渴飲名王血。棄擲腥羶

肉揮幟日馭回。擲刃光流煜。嗟哉弄兵子。未戰而
自伏。潛身不言功。祝君解怨讎。萬方緩征輪。蒸民
免敲朴。

其六
猗歟當世士。彬彬大有羣。嘆息榮華子。貴貴自相
欣。結綬不終席。爭憐起紛紜。苑枯亦更事。意氣委
流雲。所以同心士。歛骨節殷勤。

其七
吾友富徽烈。卓哉賈馬儔。發策鄙平勃。脩詞則商

周。偃蹇麟鳳姿。鞭笞御貔貅。朱草不妄滋。慶雲俟
偶。速謂余曠蕩。士相將。萬里遊。萬里未易適。燕雀
來。啁啾絕跡。躋雲表。高寒翻百憂。

其八
投石超距雄。百萬簡熊羆。中權號今司。公望秉鉞
麾。孫吳佐前籌。屈指愈著龜。拔山數十輩。驅走列
偏裨。嫖姚頗跳脫。節下司鼓旗。轉輸良亦艱。蕭管
互規隨。走檄命班楊。三閭潤色之。造父牧圉長。谷
量騅與騏。北騁單于臺。南越昆明池。

其九

駕此萬斛舟。言置地堂中。豈意垂天翼。摧折委蒿蓬。豫章千丈材。樵薪日相攻。娟娟蛾眉子。憔悴泣寒風。河清信可俟。旭日扶桑東。山嫂十輩。東風。其十。賦。百。萬。間。欲。將。中。辭。與。今。同。公。望。東。地。東。隣女無雙。况乃盛文藻。開顏照閭里。回睇光皓皓。托身慎蹇修。君恩貴及早。雞皮三少姬。婢嫁東方老。二喬歸策瑜。白首相携抱。百年詎知促。愁思祝冥昊。

其十一

文舉賜金穴。叔夜封酒泉。車前擁八騶。灼灼姿清妍。秦姬與趙女。歌舞日喧闐。荏苒歲耆艾。有子鬱嬋娟。少者侍中貴。長者勒燕然。供張與時徙。數見恐不鮮。為樂恣未央。忽嘆可長年。

其十二

北風浩浩流。沉陰松柏哀。清歌麗舞地。零落蔓與苔。烏鳶與螻蟻。桀驚相譏詼。新鬼語舊鬼。俊愚同一杯。勞勞塵中客。攘攘安之哉。

其十三

羨門招我遊。松喬相緣因。辛苦節松朮。吐納爭故
新。寂寞巖中居。逡巡魂魄馴。恍惚未云期。庶几千
秋臻焉。知千秋後為樂無。遭迤故知遠近齊。大抵
悲歡均。

其十四

勒名高山顛。風雨日侵銷。置碑沉淵中。波濤相蕩
搖。不憂萬世名。所痛生民凋。生民何當盡。萬世長
陶陶。木槿無久榮。蜉蝣不終朝。蠢蠢還相媿。春至

草惟蘇。咄咄復何道。彈琴詠逍遙。

雜詩

周立勳

高雲失崇嶺。托風照田隅。萬物難久廢。日薄更相
驅。前溪生微暝。淡然烟與紆。願屬飛鳥影。流輝布
區區。

前題

陳子龍

娟娟露中蘭。遇我若有思。俯身近芬芳。野草忽間
之。白日流有路。明星爛無期。清光傷人心。含懷待
所私。杳杳復何樂。巧笑當及時。盛年閔幽歡。紅顏

誰攬持。放情馳遠方。沉路天然姿。

前題

顧開雍

遙遙雁門路。垂垂陌上桑。與君共離別。迥道永相望。堦前蕙草生。圓月鳴迴廊。因茲不得意。迢遞悵流黃。胡馬雲中飛。君顏改蒼涼。君行自萬里。妾夢亦經霜。挾尺剪秋衣。思君與妾長。忖身裁得遍。寄君妾在傍。願言胡草死。春風入未央。

前題

宋存標

病起憂復來。昏昏白日臥。更闌頻秉燭。終夜起獨

坐。別離已過期。歸鴻阻道路。夢君對新人。綢繆勝於故。明月本自妍。泱莽浮雲妒。輾側寒衾枕。獨影淚如露。

其二

物類亦何感。時至輒鳴悲。七月戒流火。九月催授衣。誰不畏寒露。美人與我違。陰雲興戶側。對鏡無容輝。夢中自驚愕。怪子不肯歸。寐覺無人聲。獨影守重闌。本是比较翼鳥。凌風不並飛。鱗鴻無尺素。盈盈河漢晞。畏聞車馬過。徙倚掩雙扉。

前題

朱灝

地○舟○石○作○帆○。銅○柱○勞○富○媪○。龍○愚○守○領○珠○。明○鳥○目○蔽○。草○噫○氣○成○酸○風○。蜺○青○易○變○縞○。花○氣○以○順○飛○。木○為○蒼○。精○老○。

擬行行重行行

宋存楠

古○來○重○行○役○。履○世○多○嶮○巇○。遊○子○慘○不○言○。少○婦○前○致○。詞○嚴○霜○戒○危○道○。馬○足○寒○且○嘶○。君○子○客○京○洛○。榮○枯○誰○。復○司○君○今○加○殮○飯○。饑○寒○誰○復○知○。所○陳○雖○無○異○骨○肉○。情○自○私○躑○躑○出○門○去○。馳○車○竟○何○為○。

詠史

徐孚遠

我○本○漢○都○護○。雅○志○慕○功○名○。邳○支○殺○使○者○。城○郭○方○縱○。橫○去○國○萬○餘○里○。倉○黃○已○抗○旌○。古○今○共○如○此○。勢○異○衆○。所○驚○相○國○稱○好○儒○。引○義○乃○力○爭○。康○屠○未○及○下○。檻○車○。何○訶○訶○。所○謀○兩○垂○絕○。功○罪○難○分○明○。浮○雲○交○馳○流○。白○。日○雜○飛○翼○。寄○語○絕○域○使○。端○居○慎○莫○營○。

其二

智○計○不○足○論○。否○泰○在○一○時○。亞○父○自○去○楚○。曲○逆○謂○間○。之○荒○哉○。漢○祖○心○。萬○金○棄○若○遺○。為○國○有○綱○紀○。察○人○在○。

膏脂親信不可保。豁達徒見嗤。君觀布衣士已諾。諒不移。疑行非高賢。灰身從此辭。

其三

西遊咸陽道。冠蓋列行軒。傾身事弘石。意氣自相存。須臾不可託。浮雲散朝暉。出關資千萬。勢類猶上門。間堂進廣袖。歌吹何紛繁。被服耀流光。長揖吏所尊。黃金生羽翼。癩疔安足論。嗟彼叔孫子。負薪不及殮。

前題

宋存楠

荆卿本無術。舞陽輕薄兒。壯士尚孤注。神聖貴待時。應雲猶未至。養此虎豹姿。世詎乏智勇。至德天所私。當其罹憂患。危急僅如絲。細人誠有言。拔劍殊可疑。兩賢既相厄。瞬息分雄雌。聖人無死地。卮酒安足辭。

前題

夏允彝

一雄雌其六。雲黯山東咽。鋒鏑天下慘。罰銷成鈍鐵。液鐵冶中泣。忍灰三晉血。長城孰言歸。驪山亦永訣。督責慄霜飛。天地莽冰列。伊人婉孌姿。徒手

吹炎熱。寓言黃石秘。傾彼謾罵傑。魁魁挾山夫。從容持箸齧。翻飛旋帝鄉。清瀾千祀澈。蕩蕩乘車子。營營要領絕。英英公可作。恐不受塵繼。

歲暮雜感

陳子龍

玄冬景方晏。浮雲寒無姿。晨風翔天末。狡兔橫中逵。怨彼雪與霜。紛紛侵我肌。如何盛年子。窈窕有餘悲。旨酒徒滿樽。狐白何離離。相對不能飲。令我顏色衰。白日忽已暮。春陽豈無期。惜哉憔悴士。愧此桃李枝。燕坐還欲出。黯然臨路岐。

其二

積素有盈旬。三日無朝陽。薄暮減容輝。起視雁南翔。雲物淒以惻。百年常相將。時恐哀怨多。欲告言無方。黽勉效輕薄。歡娛等悲傷。情性爲我累。何時當悅康。高桐苦多音。澤蘭苦多芳。何如一世人。是非皆茫茫。

其三

深冬常閉戶。白日翳以陰。廣除生木介。高館來寒禽。言念懷所歡。杳若商與參。歲月自徘徊。孤情日

夜○深○豈○無○傾○城○色○。可○以○明○我○心○。君○子○樂○幽○素○。小○人○
為○荒○淫○。古○時○芙○容○花○。芳○香○猶○至○今○。良○意○信○有○托○。何○
用○雙○南○金○。

其四

長○夜○意○惻○惻○。衾○枕○相○因○依○。雨○雪○陽○禽○避○。朔○風○胡○馬○
肥○。念○我○同○門○友○。搖○搖○京○洛○歸○。發○軫○天○津○樹○。揚○舲○大○
江○磯○。或○留○承○明○省○。九○伐○佐○樞○幾○。羽○翰○共○一○林○。風○塗○
各○分○飛○。嘆○予○蓬○蒿○下○。歲○暮○多○歔○歔○。烈○士○無○閒○情○。悠○
悠○日○月○非○。測○身○天○地○間○。愧○我○舊○裳○衣○。何○時○二○三○子○。

連○轡○揚○皇○威○。眷○言○繼○往○咎○。毋○令○賢○者○希○。

遣興

陳子龍

妖○狐○有○脂○粉○。上○帝○誇○香○馨○。陰○山○漏○霧○姿○。巧○障○月○與○
星○。帝○醒○白○日○舉○。何○處○藏○其○形○。即○今○在○蒙○蒙○。日○夜○思○
雷○霆○。

其二

畏○影○而○却○走○。疾○聲○乃○碎○釘○。既○却○復○繁○複○。方○碎○尤○鏗○
鉤○。人○言○可○重○禁○。命○盡○難○再○榮○。豈○為○克○讓○士○。污○已○成○
人○名○。

其三

田夫策牛犢。仙人騎鳳凰。用舍必乘時。宜適各有方。魯君視管囚。楚霸觀韓王。愚若雞與鶩。塞默無輝光。一朝奮大策。吞聲徒困傷。

寓言

陳子龍

江東有穢鳥。自名為禿鶩。食魚徒滿吭。毛羽終可羞。其或所立渚。鷗鷺必遠投。何來一蒼鷹。鐵翻黃金眸。雖非高尚姿。猶任搏擊謀。不作摩天飛。下集滄江流。側身就鶩飽。比翼相遨遊。末流安可居。貴

賤各自求。所以老鶴心。傲然當高秋。

其二

魯國有腐儒。行止如清狂。拜虎求不嚙。揖蛇求不傷。二物頗威厲。豈欲貴儀章。非不執斧柯。欲舉心茫茫。終覺屈身易。寧知均喪亡。持肉餒猛獸。弭耳來相將。食盡甘餌見。亦得充君腸。所以天地間。盡產豺與狼。

前題

李雯

應龍登天衢。奮澤下土膏。及乎臥深淵。昏然若不

昭吾觀籬下。蟲緝穴何紛。騷未聞金翅。鳥營營工。其巢君子務。四方小人刈蓬蒿。各自有本事。何能相爲勞。

其二

吾聞指佞草。生在陶唐時。上有賢聖君。纘柯奚爾。爲又聞古傑。奸往往神仙。姿奚獨紫庭。寵良云造化。私不然。賢達士戚戚。何空悲。

其三

赤驥走萬里。不貴守戶庭。養鷹如養鶩。豈能求其

騰。小制不大立。緩轡可崇登。用人若草木。奚爲徒。兢兢奴隸則封侯。漢室以大興。

其四

首陽止一山。夷齊踞其巔。是以呂子牙。遂有營丘。田高臥良有謂。投袂非徒然。區區款段馬。欲騎將安先。麟鳳不救時。鴟狐誰當憐。拔劍擊四荒。雲雷鬱相連。

前題

朱灝

日車走炎海。月戶開寒潭。碧心有涼熱。雲烟豈安

愁。羈。龍。宿。小。穴。飮。蟲。揚。長。鬚。物。累。殊。伸。屈。靈。蠢。皆。
 忘。慙。點。金。猶。待。藥。煮。石。尚。為。甘。無。情。未。化。質。辛。甜。
 貽。他。婪。我。聞。鍾。山。北。神。仙。有。億。族。芝。田。畫。千。頃。瑤。
 草。盈。萬。斛。安。得。從。偶。耕。瓊。粟。飽。饑。腹。脫。彼。蚊。市。喧。
 并。謝。鳶。施。肉。六。鑿。無。生。香。奚。用。反。魂。木。

惜捐嗟賢人去國也

周立勲

大。宇。支。枉。材。華。纓。耀。薄。軀。反。覆。變。忠。佞。焉。得。不。踟。
 躕。伊。咎。亂。國。紀。未。必。皆。狂。猖。先。帝。好。深。拱。中。權。
 禪。須。吏。朝。士。相。偏。促。賢。者。投。其。翠。蒼。黃。及。典。要。零。

落。感。激。徒。日。月。揚。再。光。結。佩。承。明。趨。自。信。君。與。臣。
 上。書。勉。後。圖。天。地。屢。兵。革。內。外。無。嚴。郭。在。易。有。至。
 數。小。人。戒。歡。娛。鎮。閩。高。旌。節。毋。乃。四。海。瘠。惜。哉。委。
 國。寶。奪。職。還。舊。區。蕭。條。出。燕。市。莽。莽。南。雲。蕪。林。巖。
 少。靜。木。齊。魯。播。長。戰。安。危。誰。所。使。倏。忽。成。榮。枯。鋤。
 蘭。浥。荒。露。羈。鸞。怯。驚。颺。直。道。甘。自。梗。皇。輿。漫。相。
 汗。吾。聞。忠。義。士。慷。慨。布。天。衢。當。關。嗥。虎。豹。何。繇。辨。
 貞。諛。願。為。存。亡。慮。觸。忌。恐。見。誣。脫。身。遇。明。主。幽。
 懷。無。時。敷。

前題

徐孚遠

涼風起高崗。蕭颯使心危。作力振天宇。終傷垂雲
 姿。伊管端拱初。老鶚折其鬣。泰氣輝朝日。群才柱
 皇基。令望縮劇要。談議多透遲。金紫煜煌煌。爵崇
 智。筭衰持刀憚。一割逐魅友。熊羆此輩亦。易與驅
 扇徒。膏脂黠者通天衢。外拒兼內縻。遂令帝脫網。
 雷雨惟所施。先朝有遺事。祖述信不疑。惠文殿內
 黯貂珥。帳下居策勲。先蹇足持籌。盡毛錐。上相即
 侍中。一氣秉神義。安危未敢料。出口成噦。歛小臣

倚國恩。中夜起嗟咨。翳翳沒無光。星漢激流。斯鳥
 啼不畢。夕去羽失高枝。拜章觸大罪。勿得少淹羈。
 聖恩實廣大。脫組未禦魑。送者出門嘆。救厨備晨
 炊。虎豹隱奇文。毛摧安用皮。去去各有時。清畫舞
 妖狸。

前題

顧開雍

哀風作九微。嚶嚶咽皇路。皇路荒無章。高人恥狼
 顧。鵠鳴齋宮。佞枝遭時蠹。管在君王初。夷難
 開群寤。振衣臻高岡。休光式藍輅。駢迹奮忠姿。危

論亦豫附遼遼太平代。旻天急些瘡。時宰撓清揚。
 精景埋尺霧。乘綱弄鴻威。揜聰恣指趣。戎作方孔
 多。災釁自天吐。悲哉一君子。攘節為瓦注。戒易寓
 恫辭。撫變惻晞露。疾痛亂日月。衆夜乃一呼。前轍
 既顛傾。末遇承摧什。秣馬金闕東。繁露逐車度。傷
 羽墮中霄。投光去籠箴。國士云流離。邦謀動違誤。
 天廟缺箴音。蒿宮撤桂樹。得失為孰多。損良遂泉
 澗。江海頽不流。薜蘿山鬼怒。來方應有人。去者日
 遲暮。誠悔託永號。反覆知遷悟。

前題

陳子龍

憶管先帝時。猶猓方內訌。國柄不在握。行止如
 旋風。入阱笑麟鳳。上殿皆狐狢。宵人罵碧血。群閹
 艷華蟲。逆臣謀益急。勢去天愈夢。天下憂默然。日
 月何時東。是時大誅賢。餘姿托轉蓬。裂衣敦稼穡。
 上訴求盲聾。今皇膺圖籙。嚶嘯雲霧空。捕反不
 藉兵。協策鮮一忠。紫極終夜正。煌煌頌帝功。白首
 悉悲哽。大道娛清通。雖無異人出。奮節除夷戎。猶
 見皇綱張。義和正當中。即今五載餘。庶事傷初終。

前者胡難烈。其後內設罟。貂璫滿都鎮。四野多塊
垆。守臣報青孽。農夫指啼竦。有士私憤切。陳辭發
宿蒙。上言天序順。下言俗態工。爾作非時鳴。此輩
真愚侗。胡不牧羊去。蠹菌汚彤宮。秉鋤大歡喜。高
山友。羆熊不見妄言僞。榜掠成罷癘。項嬰陰雨木。
手。銅崑岡。銅吁嗟。夜魂黑。蹙蹙誰爲雄。射鳥莫射
鳳。鳳去蓋梧桐。擊樹莫擊桂。桂歿怨靈霰。東隣有
賢婦。聞貞棄狡童。西隣未嫁女。感物憂忡忡。其處
雖異遇。均抱清潔衷。何人國所重。悲傷到微躬。

前題

宋存標

浮雲幻城府。黨霧蔽隆曦。曲木無直心。孤松守高
枝。鴟鴞疾鸞鳳。立心自參差。功罪失輕重。義禮久
陵遲。正士君同命。無艱不可支。上書勉後圖。天下
爭安危。直道甘自梗。深文成小疵。永言謝聖主。
語默忤時宜。空橐一杯水。不堪娛細兒。孤臣易得
罪。羅網悲雉懼。班馬鳴蕭蕭。疲僕共流離。惜哉委
國寶。冰雪甘裘絺。詔旨雖切責。自矢非面欺。忠
難見君子。名節勵相知。蹄輪反初服。棄職爲農師。

烟霞生退谷。就聖朝無羽儀。天下一二士。撫時摧
 肝脾。人望既落職。相聚共疇咨。行游托風謠。諷刺
 藏深規。殷憂感七發。不遇成五悲。六爻占陰陽。九
 疇慎稽疑。耿耿星向晨。蒸雲日月移。猛犬嗥天闕。
 變幻生九嶷。天地屢兵革。江河為漏卮。處女謝懷
 春。貞婦笑戚施。嘆息賢人去。日落悲風馳。蠹食琅
 玕樹。鴉集鳳凰池。救燬痛抱薪。祭祀饗三尸。從來
 披錦纈。不若曳尾龜。顧厨與俊及。何如有道碑。狐
 鼠徒凶凶。忍見犬逐羆。君子如清風。曉霽眺孤吹。

為。卷舒任紈扇。不受塵纓羈。棄捐勿復道。嘆息亦何
 為。

前題

宋存楠

大道理伸屈。哲人治安危。寒暑鱗往復。日月生盈
 虧。煌煌盛明代。功德比有媯。恩澤匝寰海。裁覆若
 天垂。鸞鳳振六翰。松桂挺葳蕤。秉情雖殊向。所至
 各有期。大者崇山嶽。微淺權黍黎。言笑共一處。車
 馬交九達。彼美貞獨行。糠覈常苦饑。孤涼困蓬茅。
 不欲時俗移。十載金閨彥。語默適所宜。蒙難始奮

跡時艱。殫圖維。慷慨陳周易。自比千歲著。聖明
 少留意。微臣從此辭。至尊特神武。菲薄因面欺。
 知爾抱遐慮。詰責含弘慈。狂瞽易賈罪。芻蕘本無
 私。極論動中外。昌言膺嶮巇。一去不足惜。冠裳喪
 羽儀。丹衷白日照。孤影疾風吹。情切命殊薄。感激
 橫涕洟。何年賜環日。四海常朝饒。

雜刺

彭賓

解冠涉桂水。日暮嘆無梁。翕忽高枝巔。噉噉聲怨
 長。遐寓飛走絕。八極幾迴翔。自言騰攫久。生管際

朝陽。長羅弛逼脇。摩青耀錦章。鶴鵠或瞻國。求食
 秦箱梁。自彼蟠木折。孽狐障明光。高繳及海澤。利
 嘴雜羣蝗。周垣掣勁翮。黃鳥嘆三良。闕劄經七載。
 狡童絕大綱。青冥隱星漢。朝日扇勾芒。猥扶憑靈
 擊。曳組離錦襜。鸞翼駕皇路。磯釣起渭旁。以茲慙
 未字。挾策走冀方。豈期應節變。鳴雌不可防。直羸
 沉千里。疾盈恣域傷。徒者悲蜒蜿。觸藩撻劍鉞。南
 山管所嘆。摧蘭不用標。權杆誠難拔。一夫自病狂。
 賢者悲道喪。中貴歡夜觴。

幽人

陳子龍

幽靈不在晦。明月誰能同。出則經天衢。隱亦大海中。
 龍蛇春變動。空谷生雄風。始知雷雨夕。不任蓬萊宮。
 君來為明盛。光彩流虛空。劍佩隨雲高。平壤開華嵩。
 世亂天不見。掃除用靈靈。促促違所向。翻然扶桑東。
 山中時倚劍。帝所或射熊。素女騎紫鸞。寶匣靈文紅。
 壯心既有歸。大道非無功。咫尺宇宙外。胡為守蒿蓬。

前題

朱灝

澄漢自洗心。消息閉群期。風質詎滓靜。雲出無生知。
 蕩虛遊長嘯。日月歛瑕窺。馳烟多返駕。餐懶未及之。
 栖。清。空。導。路。逍。遙。存。遐。司。不。理。龍。蛇。鬪。獨。壽。霜。雪。時。
 翔。高。遇。鳳。想。神。光。淡。秋。熙。玄。津。歲。埃。沒。靈。槎。順。氣。吹。
 乘。霄。解。滯。組。性。潤。岳。雨。滋。素。功。冥。綺。照。常。甘。唯。道。饑。

前題

李震

羣山不能聚。游雲亦時通。山桂有餘香。千里誰當同。
 宿管層城思。杳冥浮霄中。幽人渺何居。青嶂含

鴻濛天漢落水聲。碧潭沼霓虹。日月在吾目。曠然
 聞清風。百才極用壯。余因造化工。氣酣飲天酒。賓
 客東王公。不聞秦家鹿。奚知漢氏龍。蜉蝣多聰明。
 朴心有所崇。是人不可見。浩歌誰為雄。昂首叫鳳
 凰。飛雲日馮馮。

前題

夏允彝

寂寞高岡。泉乘雲去。為雨大翻雲。垂天風輕不刷。
 羽至人亦何為。鹿豕恣狎侮。縱意豈其樂。順物良
 用苦。偃蹇麟鳳姿。掎折天下矩。煎石未粘天。析薪

不。缺。斧。側。首。叫。皇。羲。擐。杖。馴。貔。虎。寢。足。休。內。機。志
 大。不。妄。怒。污。泥。畜。靈。虬。人。世。焉。得。取。

田家詩

徐孚遠

翳翳四五月。良苗如新蒲。暑餘足雲氣。往往露田
 墟。即事有綱紀。溝墜各相呼。涼風帶曙星。談笑輕
 泥塗。百穀非不登。年年聞捐租。官長但晏眠。所幸
 無追逋。努力在茲日。足以慰所須。薄暮荷耒歸。桑
 牖負高榆。夕陽接烟火。繁響動鳴蛙。老農勤拾取。
 雞犬勅妻孥。藜藿未及飽。還復哺其雛。長大能疾

耕○勿○復○憂○饘○鋪○端○然○念○孫○子○世○業○不○爲○劬○

前題

李 雯

布○穀○深○春○鳴○披○蓑○向○隴○首○新○霖○養○稚○禾○細○草○足○牛
口○荒○理○視○所○勤○即○事○不○可○苟○良○苗○植○深○根○懼○彼○蒲
稗○醜○利○此○鎌○與○鋤○毋○然○脫○吾○手○猶○虎○不○足○求○所○視
防○堤○厚○以○茲○衛○盛○苗○苗○盛○天○所○右○螟○螽○不○爲○飛○藿
收○相○與○守○蒸○然○秋○玉○姿○不○在○風○雨○後○八○月○梨○棗○熟
九○月○丹○鳥○白○坎○坎○蟾○鼓○聲○飲○酒○樂○相○壽○

其二

五○月○南○颶○發○良○疇○亦○婉○變○畝○中○流○水○綺○溝○中○流○水
激○蛙○黽○視○吾○耕○飛○魚○白○如○練○老○牛○不○下○田○童○子○勤
挽○牽○家○長○自○縣○歸○嚴○符○縣○中○見○不○言○力○耕○田○但○言
速○輸○縣○兩○稅○尚○云○寬○今○欲○求○其○羨○不○聞○天○子○憂○不
見○東○西○戰○長○老○疾○驅○牛○述○之○聲○鳴○嚙○吾○苗○日○以○長
吾○農○日○以○煎○顧○此○敲○髓○資○乃○在○柔○芳○甸○水○深○魚○鱉
游○水○竭○魚○鱉○習○小○人○分○有○常○安○敢○思○荒○晏○

前題

陳子龍

四○月○雨○新○足○良○苗○青○可○憐○農○夫○荷○耒○出○各○自○求○其○

田。蓑。笠。有。烟。氣。隴。陌。相。覆。連。飛。鳥。或。鳴。樹。游。鱗。時。
 泳。川。嘆。息。此。村。老。保。聚。多。歲。年。昨。日。村。中。人。買。牛。
 入。隣。縣。傳。聞。有。盜。賊。殺。戮。求。金。錢。歸。來。但。涕。泗。終。
 夜。不。敢。眠。安。得。守。其。廬。雞。犬。皆。翩。翩。雖。嘗。被。呵。責。
 官。吏。真。聖。賢。

其二

布。穀。先。夏。鳴。田。鼠。飲。濁。水。泯。泯。蚓。竅。通。格。格。鷺。武。
 徙。桑。女。蚕。欲。饑。携。筐。餉。于。耜。夜。望。牽。牛。津。不。見。雲。
 電。起。遠。村。燈。火。紅。犬。吠。復。不。止。何。來。有。一。人。行。趨。

甚。雄。駛。入。門。且。劇。怒。手。探。懷。中。紙。長。跪。不。敢。讀。請。
 君。命。其。旨。上。言。奉。尚。方。下。言。供。戰。士。難。得。少。須。臾。
 忍。看。長。吏。禡。在。倉。黃。雀。肥。在。野。黃。雀。死。雖。然。同。羽。
 翼。豈。不。異。脂。髓。忠。臣。亦。可。為。老。農。徒。自。恥。

前題

朱 灝

浮。青。憇。盪。光。墟。迥。幽。滋。獨。霽。曠。空。懶。衣。寂。葦。招。聲。
 宿。鳴。雞。醒。午。酣。昧。草。安。愚。谷。桑。榆。養。豐。陰。流。紅。醉。
 飲。犢。細。篠。風。晒。微。籬。弱。花。就。睦。蝶。亂。撲。暖。繻。新。鷄。
 疑。故。澳。苔。筵。接。候。蟲。飄。楊。綠。難。蓄。危。橋。度。寒。烟。生。

雲犬吠熟塋。復樵氣通。衆溝奪月目。匏樽留去曛。
馴鱗遊入掬。槿榮不辭朝。螢火辨昏族。

前題

周立勳

薄涼薦晚渚。五月下新苗。雨餘開淨綠。溝塍自相
條。前村烟火微。蟪蛄鳴終宵。水深傷苗本。竇澤見
清溲。樹頭棲黃鳥。隣家餉白鰲。田父勸勉力。晨餐
不及朝。所貴在速長。殺草謀其斲。吾聞上古時。農
祀重。迎。猶。太。平。防。害。稼。况。乃。征。斂。朝。疾。耕。待。秋。稅。
無為官長囂。

其二

南山風吹棘。北林月在田。犁鋤有安影。機杼聲復
牽。苗多雨未足。分渠流細川。老農勤致問。東隣或
餘。惇。願。借。終。畝。力。緩。急。自。一。廛。隣。家。饒。畜。牧。安。能
無。顧。錢。嗟。哉。手。與。足。耘。耔。良。所。便。朝。汲。灑。頭。水。暮
看。村。外。煙。八。月。潮。大。白。禾。黍。立。野。鳶。收。穫。置。高。樹。
頽。宇。浮。空。船。謀。炊。日。不。給。朝。廷。頌。有。年。

旱

李雯

上澤久不下。積雲如委灰。熯然曝萬里。白日光徘徊。

徊草乾長。驕蟲山焦。鬱枯雷農。歎夜有聲。訛言日
 喧。誣獨坐空堂中。如聞禾黎哀。神龍復安居。涸湫
 令人猜。波竭潭宮傾。豈惟蛙魚災。微雪亂氣度。颶
 風猛相逐。人事有所召。可以術理推。戈甲半天下。
 鼠息反嬰孩。笑歌彼何人。安得無深裁。

雨

李商隱

大風十日號。屏翳曠其職。詎意蒼春回。頗恃蝦蟆
 力。瀕同空波濤。摧摺莽相直。白浮平遠姿。衆苗欣
 已蕤。顧其磔裂時。足令愛者惑。苟或抒勞農。敢曰

非帝德。六符未可陳。九野鮮靜域。吁嗟荷勅子。所
 耕非其食。窮馬多傾軛。鋌鹿思險匿。及茲未崩莽。
 猶足加憫惻。雨餘空翠來。雲歸晴江黑。仰目盱天
 施。后土時沾埴。

喜雨

顧開雍

江南地卑埴。財賦當天都。丁男力耒耜。父老勸
 征輸。汲汲畏官法。終歲忘卒屠。織布不織絲。京
 師爲名繡。而民棄堅懿。易帛聊短襦。誅索三百年。
 踐更破居廬。貧民簿十畝。苦征相怨逋。况坐阡陌

連。難。常。吞。吁。更。三。四。縣。令。富。室。吹。枯。蘆。杼。斷。難。
 得。聯。魚。空。誰。施。眾。連。秋。事。兵。革。塗。瘡。尚。云。劓。歲。穀。
 數。不。登。民。氣。顛。甌。孟。皇。皇。走。鄉。驚。汎。汎。皆。白。徒。素。
 鮮。忠。義。結。投。竿。盡。戈。爰。聖。明。親。會。計。萬。里。隔。孔。
 虞。今。春。麥。盈。疇。一。畝。三。斛。逾。官。吏。不。下。擾。農。者。相。
 歡。娛。插。稻。遂。及。時。青。苗。祝。神。巫。草。盡。旣。壟。深。清。風。
 使。懷。蘇。三。月。至。四。月。天。澤。不。絕。濡。炕。旱。發。中。夏。乃。
 及。大。火。徂。密。雲。乘。東。郊。赤。宰。騎。龍。孛。裂。田。勢。頽。岸。
 焦。土。爍。銅。鉄。上。帝。怒。滋。厲。殺。苗。莫。殺。茶。一。方。等。

息。壤。四。國。吸。無。鋤。圭。璧。曾。未。竭。號。叫。斯。載。塗。夜。半。
 帝。遷。思。念。茲。哀。者。雩。為。公。與。為。私。毋。乃。蝦。蟆。無。有特
方士能致雨卒 以。蝦。蟆。得。之。飄。風。布。洪。濛。崩。雲。旋。地。樞。崩。泮。浩。
 川。谷。平。田。充。流。溢。自。午。至。暮。足。槁。葉。蒼。嚶。嚶。老。農。
 感。皇。土。不。戴。冥。冥。謨。曰。余。生。初。來。天。子。問。二。吳。
 願。得。千。萬。年。弗。復。借。民。租。

前題

周立勳

中。天。走。赤。日。浮。雲。薄。未。空。炎。光。下。四。野。草。木。氣。欲。
 窮。苗。枯。土。塌。裂。水。鶴。避。深。叢。田。父。輟。耜。歎。仰。看。天。

垂虹夜高漏明月。星盡霞復東。真人擁羽蓋。揮劍
詈天公。丹砂分篆笈。東北來蒼龍。呼嘯雜雷電。風
雨搖鴻濛。倏忽天地失。波濤相奔攻。樹勢若偃草。
屋瓦成飄蓬。連舟烟火絕。接壠江河通。始知神鬼
力。不與冠蓋同。堯湯委氣數。萬物無所蒙。茲術信
靈異。反覆造化功。寄語下車者。無爲勞貴躬。

復旱

夏允彝

雨暘曷維時。辛苦東南耕。漕粟逾百萬。歲歲輪上
京。况茲濱海地。尤兼布縷征。素未不鳴機。所恃甘

玉何當以算上焚巫謝此子遺珉爲公者蝦蟆
竭。蹙雲雷生一雨。詎足潤長吏。昭至誠。雨師未撤
駕。凶魃還崢嶸。數日益龜圻。藝此未枯莖。老農苦
督作。所痛竈無羨。乞貸自窮捩。抱禾泣走城。未獲
天公憫。還蒙長吏驚。束生不容再。昨雨方沾盈。催
科何得暇。坐觀禾黍成。

暑

陳子龍

白○日○稍○行○西○火○雲○猶○在○東○炎○威○盛○揚○越○早○魃○爲○誰
雄○風○力○旣○已○竭○紈○扇○其○何○功○鶴○鷓○曉○亂○鳴○毒○蛇○遊
水○蒨○群○物○各○棲○息○蚊○蚋○獨○驕○空○整○衣○終○不○堪○血○國
恣○盈○充○偃○蹇○本○小○節○畏○客○非○我○衷○頗○思○翠○水○巖○復
憶○蓬○萊○宮○玄○霜○荐○夕○膳○海○綃○障○朝○襲○自○謀○豈○不○樂
傷○彼○蒸○黎○窮○郊○原○焦○若○燬○牛○歿○人○罷○癯○盛○衰○易○以
遷○世○亂○如○蒿○蓬○貴○人○都○茫○茫○賤○士○徒○忡○忡

幾社壬申合稿卷之七終

幾社壬申合稿卷之八

華亭杜騏徵

徐鳳彩

盛翼進全選

五言古詩

凌河

陳子龍

遼東百餘城。一一居胡酋。却發漁陽軍。版築青海
頭。綢繆緝故壘。圯然當仇讐。揚兵直虜巢。轉餉凌
瀛洲。中建大將旗。健兒雙吳鉤。國家勁兵處。此地
無與侔。要區敵所爭。胡來必清秋。朝廷東指笑。何
異撼蜉蝣。我城鐵不如。况復饒貔貅。長圍旣蛇盤。

孤城遂獸罟。鳴鏑馬躍濠。負土駝填溝。四門閉白日。萬人無一籌。擊鼓鼓不揚。愁雲高戍樓。滿城悉歛魂。黯黯如荒丘。外救復潰散。氣奪層冰摯。後來不傳烽。出關皆逗遛。相顧但歎息。拔身終無由。都尉萬矢盡。左賢一角抽。漢王豈有神。事秘必可羞。白羽同獻捷。云解當宁憂。朝議持未許。頗見邊臣浮。退避理獲全。進壞真大詭。榆關爲北門。寧遠爲遐陬。安居胡不樂。豈得恣他求。何人興妄役。坐引豺狼踪。唐時築受降。漢代營涼州。其後或淪胥。未

聞誅首謀。寄語臨邊士。曷勿常悠悠。失地律尚輕。開邊罪難酬。君王不好大。誰敢思封侯。

前題

徐孚遠

酋胡亂天紀。遼海久凋喪。大城棄如土。况乃餘屏嶂。上將畫地圖。凌河批其亢。建牙帳中居。屹屹未可傍。轉輸關塞愁。畜錡兼兵仗。沙石雜冰霜。指顧城郭壯。地要敵所爭。虎臥走其壙。軍府未及成。虜騎突相向。胡來暗風雨。嗅地知塵坱。主客勢難齊。列壁盡氈帳。月闕不解圍。清夜悲笳唱。築塹青海

頭飛鳶不得放。幕府無消息。遙遙永相望。壯士彈
指泣。轉粟如天上。援聲竟寂寞。孤城安所仰。穿井
無飛泉。煮革詎成餉。將軍拔劍起。星河氣慘愴。麾
下皆健兒。未知適所嚮。鞭馬西南馳。奇計秘難狀。
關兵天下強。總戎安危杖。脫身得來歸。氣矜神色
旺。中朝有是非。璽書乃責讓。始者議關疆。不聞盈
篋。謗功名一已忤。彈射動成創。廟畧契昭融。機事
焉可量。嗚呼三城戍。斷臂昔所尚。挑釁不謀身。噍
訶無乃妄。成敗今何如。塞默獨惆悵。

前題

夏允彝

全遼久甌脫。椎灑寢貔貅。凌河創恢復。四海鬱同
讐。數千齊版築。百萬資乾餼。雷野車彭彭。前驅無
豫尤。所恃上將武。兼資元老猷。縣官懸上賞。緘敵
萬戶侯。斯城苟不拔。錫犒亦綢繆。惟幄必公孤。士
卒饜酒牛。陰績震鼓角。白日翻旆旂。壯士倚城笑。
虜至畢。虜劉飛騎告工成。中朝褒壯謀。明日風塵
揚。百里耀兜鍪。虜築嘯地中。衝樓舞城頭。四匝貫
雄壘。十萬橫深溝。鳴弦墮高鳥。穿伍閉蟬蛸。愁雲

黯不飛。陰風怒颼颼。有詔急馳救。徵發詎悠游。榆
關鋒銳盡。薊水亦窮搜。糾選積時日。一戰散浮漚。
衰氣不復鼓。坐視虜深秋。蕭條日月暗。慘烈霜雪
稠。我軍炙地居。虜重只孫裘。勿欺白水誓。上將脫
拘囚。崢嶸三騎歸。奏凱衛霍侔。拔身號飛將。棄土
喻割瘤。遼土何堪惜。關中猶踐蹂。廟堂良筭出。覆
師非國羞。胡然城其涯。恢疆邀近憂。受降安朔方。
青澗制西酋。古人亦何爲。百代終墟丘。

苦熱

朱 灝

融帝開朝冶。鬱歊空自炊。長河虹渴飲。酸嶺鼠抽
絲。螢爍隱身葉。星乾滴髓池。肥榴張艷網。悴薜畫
焦眉。暉翳龍銜燭。晴雄雷失雌。薰隆湯井溢。氣赫
紫山癡。霜篔溫寒玉。震膏色染脂。澄紈鱗鱗漆。絳
帛火懸旗。炎海消冰獸。絕霄林雪嶺。珊瑚枝。生汗粟。
翼扇起。燒被烟。暑狎蛇。冷迎颼。之草。未鞭陰。皆
赤水國亦鎔。摘。暑狎蛇。冷迎颼。之草。未鞭陰。皆
旱石迷甲。是涼醫。對。榮臺。響。猶遮風。穴。吹。

清明

周五勳

去去隴頭春。深花憐人影。野薄淡無麟。嬌酣不自
乘行雲。淺覆堤柳重。啼鶯警天空。出素絲。嫩濕如
垂綆。香。韞。破。柔。紅。油。壁。恣。芳。景。墓。火。凄。然。明。心。寒
鬼食冷。石垣蔽。冶容偷。簾蕩繡。衿飲罷。鬢鷓飛。鏡
中羞。復。整。接。巷。舞。長。楊。窺。舟。臨。短。杏。鋤。煙。蝶。氣。忙
種。月。鳥。聲。耿。時。良。風。雨。催。萬。物。愁。多。梗。高。樓。知。遠
道。一。望。烟。雲。併。嫩。色。學。羅。襦。飛。容。照。瓊。領。寂。寞。百
年。身。草。滿。幽。光。猛。

前題

顧開雍

隔。暉。媚。幽。桑。陰。雲。羅。遠。楊。晨。煙。冒。野。壠。輕。寒。暖。微
茫。華。緒。天。風。和。豐。青。蓋。頽。塘。餘。花。理。方。歇。川。姿。淹
邈。望。北。道。草。物。物。橫。古。遭。情。傷。傍。生。六。尺。榆。下。有
平。田。旖。白。日。精。景。昏。東。飛。霾。孔。黃。冠。蓋。夾。路。去。郭
門。何。荒。涼。悲。哉。繁。華。子。鼓。帳。移。前。岡。期。思。忽。輟。樂
千。年。沉。短。觴。壯。士。不。惜。土。慨。抗。墮。哀。光。春。機。莽。充
斥。淑。懷。誰。能。忘。

前題

徐孚遠

仲春變氣候。綺旒散新烟。和風灑芳霧。空光憺潺

溪素川交繡薄紅雲幄遠俗清照分沙潤繁聲入
逕妍不惜柔枝落願隨長縷牽所幸非兼已顏節
暫流連

前題

朱灝

新火悟昨烟草木衣初試解風起紅笑鴛默春尚
穉石泉拂舊眸霞市留曉醉篆碧蟲書始穀塵雨
絲織郊姿署濕光薰氣布如地溶曲款飄香沙席
暖不次虹將出絲組野馬善走戲

前題

夏允彝

漠漠新煙發蕩耀春氣驕花燃亂鶯曲細雨整殷
囂金鐙影艷曳百草煖重綃古墓風花雜松栢鳴
漻漻溪水不妄綠春密煙歸條

前題

宋存楠

清明春事半密地匝飛鴉榆錢覆長道遙堤開柳
衙驕奢來許史窈窕識羅家雄心銜寶劍織手試
輕紗但誇龍似馬或負妾如花樓頭誰少婦當路
撥琵琶終曲淚三嘆含羞面半遮所悲非憶遠荒
塚竟何涯今日此寂寞當年最繁華臺榭易松栢

馬徒牽遮。儀容湮彷彿。靈魄喪幽遠。英賢子推火。
佳麗阿香車。青春莫擲度。日暮揚塵沙。

北郊看梅

周立勳

長衢亘北野。夾道花成霞。微香艷芳塵。弱羽舉輕
扇。墓門雙石高。曲磴扶深院。靡靡幽氣侵。灑灑寒
枝戰。遊女飄素衣。出手思整鈿。小鳥決林來。回看
綺被面。夜深月照堤。花葉不相見。

前題

陳子龍

我心傷春陽。携手城之陰。高塚臥石馬。遊女息遙

溥。管稱賢達士。鬱鬱成高林。遊蜂花間來。觸草爲
和音。感此渡前溪。淡越恣幽尋。煖葉潔肥柔。氣理
相浮沉。芬芳放樊圃。水木兩不任。餘情給妖夢。蕩
渺開空淫。他勝奪欣賞。人散花愈深。夜犯月露姿。
奇香出襦襟。寒光來斟酌。清娛猶至今。

前題

顧開雍

出郭曠游覽。寒光羅素姿。狹道影欹寫。當風香難
羈。幽冶凍不前。高夢曉空期。顧茲坻下路。數數人
踪施。葳蕤寄日上。衆情莫與知。澹蕩一水涯。獨妍

遭流。嗚。譬。彼。名。高。士。長。年。山。中。疇。

前題

宋存標

曠然春氣妍。人影動寒烟。寂寞志未立。浮沉負芳年。飲書飛數字。水馬走澗邊。梅花香不遠。長被春風牽。花下寄遐矚。慷慨莫能傳。能使羣籟寂。惟見白雲間。達人貴觀化。銜杯辨聖賢。郊外風俗美。人朴無機權。幽花傲羣媚。照影問前川。爲樂苦燭短。明月來燈前。

前題

宋存楠

輕寒回淑氣。脉脉動芳思。韶光蕩神想。幽獨靜爲姿。散步出北門。所期在乘時。良朋集佳苑。春色莽難持。妖萼俯朱檻。淨綠臨瑤池。香魂悅遙野。舞態見參差。葢繁枝幹隱。影艷浮鴛宜。勝心非石轉。愛情因境羈。自然誰忍折。惟愁隴笛吹。

前題

彭賓

香引前林永。迴看花影疎。理色庶不辱。靜然明月初。輕寒春艷薄。尚素物華虛。延景互慊慊。濯心水雪餘。

看梅

朱灝

深野旅淺春。寒心尚羈雪。幽獨資空荒。人影粘橫
鐵。篆烟營缺籬。水。竟自憐。潔照水洗檀。暈素手。恥
受涅。孤村含白酣。香霧不敢熱。高旻動蒼氣。雲縞
亦為裂。昏黃無所歸。漾光自飲渴。

適郊

徐孚遠

芳氣入林早。發妍在茲辰。結侶眺幽渚。歡賞寄所
新。清暉傳遠意。風華麗以勻。長堤交素綺。列栢蔭
文茵。策杖情徒倚。遡洄光漣淪。展謔謝日夕。持此

一當春

秋園感懷

李雯

涼風吹秋雲。飛雁無北向。海湧鯨鯢多。野荒豺虎
壯。西悲秦川流。南愁蒼梧瘴。東顧海岱間。蟻蝨稱
伯王。巾幗秉鉞旄。踰窳在民上。紛紜牢狴煩。是物
不可創。健兒怯為兵。作賊孤雛放。是以黃巾徒。飄
然恣飛颺。裂錦披龍文。繡躡綴華仗。嚼酒簸紅旗。
擁姬刀環傍。猶然中原人。已作羗胡狀。豈無將相
尊。黃屋自惆悵。置國非金壘。聞烽思玉帳。英雄在

草間無餌其能遠。河鼓星光搖車騎。四方漾山東。
大流血。近聞誅敗將。遠調防胡兵。內伐絕賊氛。十
萬非不多。貴其速。剪盪關門無鐵樞。臨秋亦宜防。
猶恐久遲疑。即事生獯獠。方今禍亂後。橫跡時相
釀。棘荆易爲林。恐或頽哲匠。蒼蒼吳雲深。冥冥海
霧漲。黃鵠不可乘。鷺鶴叢相謗。安得挽天弧。奮手
射四望。鶴鷗空山焚。蛙鼃江河壅。四海無風塵。傲
然守青嶂。

九日登高詩

李 雯

顥顥九秋節。淒淒登高期。長年獨何人。秋花費芳
枝。林木饒遠陰。荒庭發層思。水傷影搖瀟。月出雲
參差。傲然接所勸。開言絕中疑。驤首雲臺勳。鳧藻
蓬萊溜。道左不得志。浩歌難自持。携手矚寥廓。相
盼神披離。青冥在澄潭。幽懷靡所之。鳳嘆臨丹穴。
龍愁鬱湫池。囊囊露滿襟。佳人臥遙帷。雲路不可
即。悵望秋風吹。

御史大夫張公撫浙時携二鶴歸山東孕二
雛焉以爲瑞也圖以記之命予賦其事

陳子龍

雲海浩無端。白日開高。清老雀凌波濤。雙羽翻然。
 明影落芙蓉池。滄州渺玉京。氣塞頓高墉。仙才飼
 牙兵。瀛風修神騎。瞻望虛遐。聲徒存俗。羈憤永保。
 曠士貞玉衣。隨素裝。放志懷崢嶸。芳園蕩禽性。幽
 人知夜情。傲靜濟水上。橫翼風雲平。和光動儔匹。
 遠澤胎精英。二雛鳴啾啾。物小神矜盈。日長烟霞
 姿。弱翮霜華成。思管太古時。人鳥無相爭。機物日
 夜深。樊籠何糾縈。物困智垂盡。鼓息阻芽萌。天地

已促儉區區。思專生張公。今亞和盛德。滋雄名炳。
 廣攬國綱。日月在軒楹。惠心感潔材。清絕成符禎。
 安坐理天樞。繚繞紅玉笙。

櫻桃

陳子龍

夏春交麗景。當時貴朱櫻。携以青絲籠。玉盃秀高
 盛。色若群鞋鞞。照耀盤餐明。美人濕纖指。入口神
 輕清。甘澁本同枝。味亦隨時成。何年媚皓齒。圓的
 含流鶯。昨歲履佳令。倚泊平原城。風沙唇乾燥。頗
 懷烟林情。既斷婕妤賜。不見青童擎。憶昔在京口。

玉印文選 十一
碧葉綴瑤瓊。恣食千餘顆。主人贈滿籬。即今重對
汝三嘆。意縱橫。此物歲呈艷。我身時時更竊懼。年
華衰醜質。羞精英。

家園詩次年少韻

李雯

平生湖海士。特立俯大荒。身愧龍豹姿。家擅巖林
長。結交應劉徒。浩蕩聊相當。遂枉濠上訪。披衣登
高岡。仰視星河深。月出山衣霜。青崖有孤思。頽雲
積澄涼。嗒呀吐長風。碣屨亘短梁。脩竹影嫵娟。潛
葩發微香。驚鳥天上呼。神物湫中藏。谷道舞山魅。

枯林凍寒螿。幽然石閨女。不下瓊露漿。懷珮無所
貽。採芝欲誰芳。左顧豫章木。森竦來清商。右激西
澗泉。濕翠蕩中央。煙深鳧鴈苦。水涸龜鼉傷。相覽
獨無言。緬冬心徬徨。

冬日同萬年少遊橫雲山李舒章園亭

陳子龍

玄冬景奄忽。薄暮山蒼茫。頽雲浩當野。黯然天外
涼。石壁森崢嶸。深澗多嚴霜。朱樓峙其間。窈窕松
月光。永夜宿烟霧。獨鳥號山岡。夢境有超越。及晨

滯餘傷搔首登高臺。雲物都荒荒。人影亂木杪。絕
磴相翱翔。遐哉池上飲。其樂不可忘。名士秀萬子。
文苑長李郎。身在林泉際。思橫日月旁。明時一握
手。願言保孤芳。

春晝獨坐感懷

陳子龍

晝靜不厭長。春風滿闌市。荒庭蔓深草。搖曳弄晴
彫。瘦桑光尚沃。隣家蠶脫紙。白雲過我居。殘花爛
餘紫。嘖嘖決牆鳥。歷歷緣樹螳。秋毫涉微心。沉吟
度舒晷。幽情懷新寂。寡營學遠累。戒飲時忘機。謝

客翻倒屣。奮意難驟息。志士古如此。干戈日夜多。
黎元色如燬。兵氣照文登。逆謀起越雋。用事臣益
驕。植根有表裏。魑魅影太清。鈞陳注枉矢。時良盡
三木。貞夫終朝褫。悽惻太平業。不見耕鑿喜。江南
寂寞人。浩歌蕩無紀。宿好臥龍名。勉負莘野恥。二
十頗有餘。空林老蘭芷。忍看豺狼橫。俯身默成痞。
遠患翔鳳凰。乘時駕駮駟。天運屢通塞。英雄達其
理。諒非閒散姿。何難混鹿豕。

欲晴山行即事

周立勳

日開雲未至。溪水靜暉暉。新柳不知暗。小桃紅欲
歸。巖谷無移置。園亭改舊扉。濕光如露氣。草木含
清肥。高閣達深淺。萬象皆有威。沾泥知鬼匿。安花
識鳥稀。因之越山麓。暮景晴相依。

贈羅華亭紋山

陳子龍

良玉本溫質。蘭蕙資深陰。夫君金閨彥。出宰吳江
潯。清風布霞路。羣象肅以森。耽文有餘歡。譬彼讐
南金。鬱哉蒲中士。窈窕多奇音。在理亦無棄。殷殷
信心皇塗政。艱難世用各異尋。旱颶震江表。嘉

禾色已黔。誰爲神龍質。萬里懷甘霖。願言捐所緩。
專心事保任。民命豈無期。積儲聊備侵。賢達方煩
焦。何時揮素琴。

從段橋雨泛出西陵橋

陳子龍

午雲政翳景。洩烟紛多時。文緝淹宿雨。觸波起陰
涯。中湖旣澹灑。外流亦委蛇。揚舲冒弱芷。清淺犯
幽姿。秋心牽前麓。潤質懷豐枝。仰送孤嶺沒。俯矚
潛鷺饑。松栢森脩岡。傷客情易知。莽莽風滿山。美
人絕光儀。涉水更淒放。屬纜開清吹。精靈展密意。

物化持後期。緬矣採芬素。瀾瀾蕩遙息。

前題

顧開雍

風潭曠容與。窈窕尋幽期。晨舲既逋望。午溪旋依
湄。入橋不厭深。北山時逶迤。塘菓剩晴媚。小鳥翻
陰涯。泓光澹遐景。激灑動短移。安楫稍已遠。廻帶
堤難羈。灘藏巘屢興。石曲風聲悲。長楸夾松門。蘇
臺砌古碑。宿雨寒不落。山鬼含燈吹。蕭蕭土中花。
紫煙生冷脂。不見西陵月。年年秋自知。

循蘇堤至南屏下

陳子龍

輕舟遵芳涯。悠悠弄溶裔。濕雲卷峰外。繁雨涓松
際。穠潤發秀直。空濛含幽麗。行旅隔烟水。擔荷縈
薜荔。湖山競翠容。松篁間虧蔽。南屏覆虛泛。北亭
懷婉戀。日暮虎聲闐。樹暝猿飛細。吳客多深華。越
歌雜傷慧。區中茲邈清。采賞有淵契。柔姿媚羈情。
秋心良易切。泛泛載芬芳。朝夕從此逝。

前題

顧開雍

北嶺緬脩趾。繇宛遵渚通。始情託岡隲。循涯意彌
沖。淺蘭冒清坻。弱瀨泚故紅。稍左媚孤嶼。隔溪甸

豐。蕙。彷彿。改。層。陰。上。下。招。冲。融。冥。蒙。浩。無。主。獵。獵。
 依。塘。風。吐。納。橋。下。溪。縱。橫。求。所。終。朝。遊。濯。錦。池。亭。
 午。恣。迴。深。湖。光。望。不。還。薄。薄。南。山。中。紫。蔓。被。清。霞。
 菱。根。亂。巖。叢。寂。寞。漁。子。興。削。竹。覆。魚。弓。林。聲。激。灘。
 齒。獨。鷺。鶩。張。罟。淹。留。戢。景。深。渺。神。歡。所。窮。

自錦帶塘至湖心亭

顧開雍

浮。水。無。限。綠。高。涼。息。大。堤。殘。泥。宿。岡。渚。落。景。明。歸。
 鷺。岸。道。直。如。馬。松。風。常。在。溪。解。纜。安。中。流。反。顧。疑。
 有。後。空。光。羅。未。已。搖。澹。前。容。迷。畫。船。泐。晴。波。越。女。

喧。音。齊。浩。浩。無。時。無。憇。此。停。遠。倪。含。黛。下。山。勢。妍。
 鏡。澄。圓。睇。參。差。倚。天。杪。湍。聲。荐。層。題。薄。南。悲。草。多。
 春。秋。長。汗。泥。

從靈隱寺上韜光道

陳子龍

澄。氣。發。層。徑。午。峯。秀。披。扶。孤。亭。喬。木。下。散。曠。存。清。
 娛。水。涸。溪。尚。靜。雲。暝。山。復。殊。廣。堂。鬱。朱。草。別。澗。生。
 青。蒲。懸。輿。攀。絕。巘。反。枝。送。嘔。途。迭。映。媚。樵。路。虛。折。
 限。人。區。幽。篁。疊。媚。姿。飛。泉。歷。虛。無。鳴。鳥。谷。中。怨。巢。
 颺。松。際。俱。高。閣。抱。雲。氣。迢。遞。開。江。湖。四。山。閔。無。人。

秋響相奔趨。物慮勞光采。遺心適可符。

歷南屏諸勝。取雷峯路歸湖中。陳子龍

悠悠長北堤。歷歷穿西澗。驅車亂朝暎。聯袂上雲
綺。危峰陰先冠。密澗影相比。烟白曉人淨。泉香秋
草歟。卷山納蔽翳。虛巖息遙視。疊石青無時。寒流
明未已。羈心散羣壑。美人復何似。共挹層霄波。庶
荐湘中芷。谷函禾黍風。渡成橘柚市。幽魂撫肅肅。
矜情候瀾瀾。會拾芳華歸。娟娟弄秋水。

寒園詩

李雯

荒庭集靜楚。遙峴多清歷。深靄晚際紅。細草巖下
碧。池凍掣魚尾。冰紋見鶴跡。積翳參以差。脩竹响
棲翻。雅意任空囊。古人列素壁。顏放豈吾懷。難與
世相適。

其二

歛氣味幽賞。霜雪清我襟。目逐飛枯征。神與竹栢
深。凌巖桂枝直。枯歟青桐吟。短褐非吾冷。狐貉無
温心。窮山惜衰蕙。悲壑憐寒禽。陰霞送日末。皓月
撫夜沉。懽樂不吾將。惻惻愁空林。

客寓贈澄江主人

徐孚遠

水陸逶迤回互。日暮且安如。小艇烟光裏。緣崖得此
居。主人農家流。門巷不容車。朴直寡揖讓。爽氣來
巾裾。野外少供絡。截網得脩魚。須臾列盤餐。傾樽
倒屠醕。庶脩割慈老。設食佳有餘。感此意氣厚。想
見淳古初。良久步浩月。散誕入幽墟。薄露團草根。
竹影淡蕭疎。是時林壑靜。豁達遊廣除。我行既有
適。曠然心神舒。

舟曉同方扶予先生武林道中作

宋存標

舟行浪不起。棹影沈星希。神感因物作。聞見發天
機。微寒光在水。初日綴雲衣。蚤起憶新夢。測幽露
端倪。芳氣隨風結。晨光識其微。陌上歌緩緩。空翠
搖前谿。

春季遊留都同社送別橫雲山因遊李舒章

園居

夏允彝

風花燠溪水。此日舟行宜。吾行聊暫爾。吾友亦傷
離。行行山之阿。停橈重委蛇。山雲古突兀。山骨積

鏤劇鏤深益。窈窕嵯窮班。翻離立老巖。競孤屹
凌天委雄勢。具萬仞怒浪連雲垂。幽泉隔風霄。杳
杳潛流池。蘇碧雲根黑。冷青徹鬚眉。芊暖烟紛樹。
回沐風縈絲。携手曲橋上。伏石撐幽瀾。若甌若杵
白。若駟若臥。攫丁丁林隙。墮斷崖。開曲碕。誰云留
別久。攬勝自忘疲。願騎石帆。便借影。越江濱。

七言古詩

昆明池治水戰歌

陳子龍

漢月楚南積水光。沖灑酷烟布絕大。

秦道荒唐旄節啼。腥風黔巫壓翠綠。波歿崑崙浴
象搖龍宮。巴鱗暑飲毒溪水。踏歌蠻女攀雄虹。漢
威不到劉郎怒。割石燒空剪銀浦。旋風捲土移洪
濛。劫灰飛盡羴羊舞。長安城西星浸池。秦家蒼壁
神靈雨。清秋碧落鵬鵠遊。樓船激浪中流鼓。高牙
轟天日犯旗。黃姑愁絕雲莽莽。鸞鴛唳藻聲徘徊。
老蛟失翼青兕哀。壯士學技夜郎國。美人倚望通
天臺。支祈尺郭移下瀨。威名遣作天南雷。炎州小
水入涇渭。邛竹枸醬端然來。從此昆明靜春碧。宮

娃染紅青草隈元狩三載工作始叱咤滇王受漢
璽幅員不數義與軒茂陵龍孫真天子

前題

周立勳

長安天子好武節盧胸列障秋光裂五尺曾通南
滇池戈船夜走昆明絕騎龍踏象天崩雲元鼎初
成下瀨軍甲鋒散日波聲起蠻月入關照新水怒
旗欲偃蟠星文驅策勞靡如羊豕十萬中流鼓氣
揚鐵光不暖沉灰紫組練寒凝舞瘦蛟蹙波作城
煙靡靡中原騎士北登臺八校從征開邛嶲竹醬

紛紛走上都南滇自繫名王璽樅陽歌闕大駕回
秦巫祀雨石鯨歿水烟漠漠白鷺飛宮輦不來空
舊壘昆明之功天下聞颯沓猶含茂陵雨

前題

顧開雍

天南漢朔漏小水擲馬西行能一紙黃雲不落珊
瑚紅日色斜怒火池壘將軍入塞霜層馨苜蓿葉
就頭蘭鵞邛枝鳩鳩一州主閉水百仞居封濤天
子南疆未可洩使節郎當通不得樓船十萬薄危
星滇海難呼滇嶺黑神奇力甲下蟠竦穿得湖光

二十
灑灑空一夜雲。燉換刁斗八十九。侯飛艤。艤軸。輪
銷浪。潑青銅岸頭。如草張。齧齧大旗械。劍天攬出。
鷓旌捲霧揚。淵。嶽鯨鼉駭駭蒼蛟。撥連艘。鐵柱。綃
宮括。蝦虹碎。歷風沙。啼中有白龍。腥箭。筈大將十
年胡月。鯨浴。戈彈汗。揮聲。澌此日。長安罷行獵。穹
廬氣。墜成舟楫。君王浩浩有神功。意寵九池小健
雄懸車乘木。報長樂六軍。酒臥酣。矇矇安得天河
瀉秋幕。昆明蕩漾。祈連童。

前題

朱灝

紫氛蕩水激飛鷁。蛟螭盤帛烟吐暖。牽空黃靄閃
劍花。角。嘯鼓浪雷不旱。錦纜霞烘月抱弓。戰氣。翺
龍鼓。咽洪。鋌戟刺霄。畫舞雪。整陣爲營。翼不折。千
艘奔突。碍騰鯨甲光蔽日。鯨躍鐵濤擁羽書。白先
驅。舳艫轉鬪。度。貔。獬箭。弩射落。攬槍濕玉虹。渴飲
滇成壺石人閱武。遙通漢火旗走紅隊。雲。慙凱聲
卷波幾摧臺。迂鱗頑甲驚止亂。

前題

彭賓

漢使不羈天失險。貫窮紆索暨蠻隔。錦車直指跨

鞭長天子披圖志怪迂。滇雲斜覆黃屋小。盛穰香
柱列。罷能尺繒輕。揄誘旁邑。賈市逶迤充神厨。長
安明月接南雲。雄排五尺浴鐵劬。舉頭茂陵捧神
璽。鯨鯢戢甲中夜踰。封爵列邑誠足多。經行暑毒
道頗紆。帝曰神池不可得。從此昆明盪戰輪。毒龍
老蛟導武節。畫鷁飛旋騰赤符。日弓射石棹聲裏。
繆風夾水氣象殊。浮船十萬星河明。怒翻白鷗起
躡珠幡。旄羽葆震九封。禹鼎雌雄精欲枯。魚鳴隨
雨地文裂。星立玄址天河溢。

前題

宋存楠

炎漢皇帝推神武。廡養椒房鞭胡虜。苜蓿葡萄逐
處生。蒲梢魚目橫邊數。將軍肝膽不顧家。陰山魂
魄燒胡笳。昆明不揣邯鄲蟲。天子還知式怒蛙。上
林內苑昭武德。刀筆囚吏謫伐棘。金繩玉牘紫芝
泥。池沼神靈窺帝力。神池柱柱浮天香。娃柔管澁
擗鳳凰。搖晴挑灑綠。蔽膝紅線色。絲連愛長錦。帆
蘭漿白魚跳。織女提梭含半笑。星眸霧靨廻文裾。
清影明河相對照。水網飲飛只射鴈。大魚何自罹

憂患截綸脫索矢報恩徑尺雙珠腹中辦君王鄭
 重觀兵勅細柳當年在池側珊瑚丈二烽火樹九
 華七采舒顏色蒼兕餘皇形障天暉暉飄飄嗟紫
 烟幡葆麾蓋芒四角乘流突觸誇便旋小翼大翼
 居中翼樓船戈船飛鳥船司空輯濯黃衣郎鱗屋
 貝闕驚戰場旌旗上下紛雜沓雌雄勝負生激昂
 至尊玉顏獨龍準斬蛇利劍空中引御兵御將奉
 廟謨指麾顧盼英雄盡封茅列爵岸頭侯崑崙使
 者河源求蔡姬嬌來怒小白膠舟問出周王羞豫

章巍臺帖赤羽鉦鼓沉波河伯懼六師豈是戲魚
 龍石鯨閃忽噴雷雨迴看龍艦鬱峨峨無小無大
 歡情多官奴內監更回惑肅肅振旅道止戈劫灰
 墨黑憶萬春戰征撻伐安生民碧空何日天弧落
 試問通仙執戟人

察苑行

李雯

君不見野荒徑仄廢苑古落石空亭怨秋雨鳥呼
 時有涼風吹月白獨見鸞鸞舞宿懶趁魚黃日下
 禿鶯亂入鴛鴦伍鹿角金牌供獵人刻毛馴兔脯

胡賈別有幽房深鎖門。鐵花重繡穿藤根。彷彿猶
 聞蘭麝氣。綵帟蝶出相翩翩。珊瑚鈎折。鈴翼斷捍。
 撥筇筓。銀跡燦冷粉。生塵蟲網森。枯桐落露空清。
 旦子規暮喚涼殿側。白狐戴髀望星漢。昔時歌舞
 亦有神高臺。月出聞夜嘆。美人堦下語。園花翠燭
 青。螢露中散憶昔繁盛稱。莫當朱閣繡戶雲滿梁。
 鑿池欲擬漢太液。築堂莫數魯靈光。麟鬚之簾映
 珠網。鯨目之光照曲房。青鳥啄珠拂舞後。草木厭
 聞迭。迷香竹枝灑鹽羊。不往玉顏懊惱紛忙忙。題

詩素壁墨痕蝕。至今藻綉青與黃。飛螢滿天落秋
 浦。玉砌彫甍愧黃土。栢梁基上無遺芳。銅爵臺前
 碧瓦腐。玄髻濃醪且娛賓。狐鼠漁樵他日主。

前題

陳子龍

荒郊落落行日暮。短牆旁屬大堤路。苑門零藉不
 安橫。芳草何年滿。堦布餘花小。紅猶照池碧。叢化
 蝶。還能妒燕雛。空自有春秋子規。頗厭啼風雨。陰
 竹窈窕山鬼立。夜久燐光在高樹。樹影搖月月更
 涼。疑有香魂夢中。度昔時美人年尚芳。層城素宇

遙相當傳宴樓頭半鸚鵡焚香被底雙鴛鴦紫阮
 撥絃來古墓明珠懸幕開中堂白日欲暝水欲竭
 鶯花不得管翱翔舊家亭臺尚未改昔人已去徒
 悲傷藤蔓經過蔽幽室架上猶垂紅繡裳床前白
 粉與獸炭其中徃徃存都梁雨後流沙洗堦圯折
 釵碎玉相輝光可憐壁間剝題字當時一詠飛千
 觴即今太平良不易變遷蕭瑟數年事况當衰亂
 何所期浩蕩青崖足寡累不爾歡娛須極意後人
 勿復空憔悴

前題

周立勳

藤蘿夜蔓荻楓高。秋風向壁白雲勞。空堂廢館烟
 中立。颺颺啼雨求其曹。昔日繁華照朱碧。綺窓明
 月流輝積美人。屏障錦繡居舞袖。初回玉笙炙門
 前。短草自成行。堦下淺花亦不瘠。東樓歡宴西怨
 嗔。夜深徃徃見遺鳥。可憐石上青苔痕。猶是當年
 歌舞迹。夾道鳥啼舊榆枌。棟宇寂寞開殘雲。粧臺
 已冷燕雙入。深竹留寒多鬼羣。荒魚發發鳥銜去
 中宵鶴喚他家聞。偶來池畔逢野老。自言居此前

水濱頽垣之中。管深院兒童時。復持寶裙斷岸連。
岡相咫尺。花欄藥檻為耕耘。吁嗟洛城鄴下皆名。
勝千秋萬歲銅雀墳。

分咏西京雜記 新豐

陳子龍

天上沉沉。蕭紫清。漢王宮闕。崔嵬崢嶸。長樂殿前拜。
天子太公寂寞。無歡聲。憶管初從豐沛遊。少年屠
狗相徵求。鄉里呼作亭長父。其樂不減秦諸侯。他
時拔刀授龍子。相將約束長安裏。搖搖故鄉不可
貴。人歷落徒為爾。一朝天力移新豐。萬室巧匠

營中山東故人歸。帝里雖存禮數歡。娛同人生
富貴豈不足。何為貧困復堪慕。秦家遊俠氣未衰。
漢帝衣冠禮相誤。嗚呼隆準真乃公。豁達大度真
若翁。

前題 斬蛇劍

李雯

金虎東樓六禽歿。大鑪銷兵騰煙紫。那知猶有三
尺鋒芒。碭山中護龍子。秦險楚氛。剗若豚區區羣
雄安足論。七星離離擁日月。畱侯蕭相功名尊。憶
管高宗伐鬼方。神鋒巖巖白大荒。千年顯氣不可

滅再興真人肅世綱。此物豈用珠官秘。月色霜華
暗中熾。雲孫龍睡媒英威。柄入椒房與常侍。二猾
竊鐵無久功。典午創圖非英雄。異物不為庸主御。
衝颺扶雲有所從。

前題 慶安世

周立勳

三雲峨峨窈窕居。屏風屈玉紫綬舒。帳底香銷呼
赤鳳。珠光寂寞闌干初。侍郎綽綽年十五。善作離
聲。天下數出入深宮。寵愛兼名花如霧。巢鸚鵡。輕
絲裁履錦霞茵。玉堦縈烟夜漏春。自是帝家行樂

秘古來才色難。沉淪鴛鴦瓦。暖琉璃。當年寵出
昭陽門。昭陽承恩稱女弟。駟車選艷亦至尊。

前題 石鯨

朱 灝

魚。唼神漿。傾石髓。噴沫迎鯨。羞作婢。動若魂。燕舞
闌風時。偕土龍。乙天癸。月珠夜射離畢。隨勁尾。聳
鯁。河伯起游通銀灣。唱墨雲鼓浪。欲溺魃神。歿如
螭。流涎蟠石國。旱鱗跳波屏翳喜。宿中曠集。期朱
鼈。吸吐月腦。效大鯉。未用加鞭。知點額。枯肆能傾
玄冥耳。

前題 賈佩蘭

夏允彝

扶風美人歌。吹工相傳約束來。深宮自言曾侍戚。
 夫人大風歌。歇隨飛蓬夫人。妙舞泣鸞鳳。綠香霧。
 靄花蒙叢。君王歡醉看倚劍。輕蛾薄袖消豪雄。于。
 闈聲沸百子池。牽連愛縷靡終窮。胡然筑聲哀慘。
 切來自深山。數老翁。夫人掩泣呼如意。君王嘆息。
 空悽悽。含辛坐視珠玉碎。哀樂無方適所馮。猛士。
 徒能四方守。縛縱誰與破。繚籠管驅貔虎入咸陽。
 美人無數安房藥。一朝化主。崢嶸出耀光。鳴玉須。

史空。君王寵愛莫為承。萬古茫茫演女戎。

學義山燒香曲

陳子龍

小欄春放烟未緝。靜夜花飛懸露濕。楚宮猛獸光。
 熒熒。切灰。葬火香雲泣。海山雷擊枯枝紅。千年沉。
 水。涎龍宮。嬌娥纖手擘小炷。調絃別蠟迎新風。玉。
 鳳顫聲霜影瘦。月涼桂墮蟾蜍鬪。雲母雙屏漏細。
 煙。夢染玉肌通翠袖。香壓茱萸透體蓮。耗甃幽暖。
 清眸眠。觸手暗帳凝芳澤。守宮收骨膏餘妍。濃酣。
 散浪紅蘭液。髯燕粉蛾不得惜。啓幃星落空光白。

春野荒荒艷魂魄

陽春烟雨詞

王元玄

高樓心蕩天收淥微寒漾漾青禽浴滿園清艷簾
外沉春氣嬌憨無約束海綃半障妖鬟紅碧色蠻
絲濕淺風帝女行雲洗柔綠草心絨窄含空濛四
山罨幕花夢客迷幽妍眼鶯啼白大野香動魂淋
漓鬼衣掃墓殷桃夕江南愁絕烟欲遮西陵之下
莫愁家小閨暮暮嬋娟子漸看幽蘭孕鳳車

壯士行

徐孚遠

莫擊鷹鷹息常在翻清秋脫鞬上追格側目凡鳥
無一迹磔裂毛血不爲強發憤若如所對劇意氣
不如草神龜壽何益青絲作絡帛作憤願逐都護
安西客開元天子大好武帳下奏請不知數朝士
兼假即清階何況能持百石弩中有一人無資裝
刀頭索莫同行侮長跪監奴置伍中願作僉人事
府主僉人三十直夾鉞繡襦歲蕤常插羽軍中遷
次安可期序勲不用門戶爲將軍決策掩瀚海捷
書萬里常苦遲幕僚成行不敢撰僉人自贊爲此

辭磨盾列草何皇皇。檄成三檠奏明光。從此將軍
 異顏色。豹姿遑爍龍雲翔。十年持節自開府。前部
 鼓吹後笙簧。男兒不歎即列戟。不見昔日異姓王。
 雄劍在壁鳴何長。玉宇屑瑟看天狼。

前題

朱八灝

騰蹕雄翰蚤自挾。方寸岳立何能平。電笑雷訶破
 輓壘裂眦猊。猱皆斂睛開張。湏洞出剛角。强撐豪
 盪決怒鯨。歛歛飲氣若蜺。渴不墮日車。力彭彭。七
 戶堅持習百勝。紛紜安敢寇。意城切玉如土。石如

黍利劍佩之無腐聲。狎視大武同曦鬪。鬼膽已破
 神心傾。

幾社壬申合稿卷之八終

咏心賦

素。匪。險。所。之。無。竊。轉。時。跡。大。先。同。難。圖。良。觀。子。如。

幾社壬申合稿卷之九

華亭徐鳳彩 杜騏徵 楊甲 肅全選

七言古詩

老將行 陳子龍

漢兵誅胡漠南空捷書夜奏烽火紅公卿紛紛選
爵里天子大開明光宮是時檄召冠軍侯雲連甲
第長安中少年搃擊獻奇計塞上悲歌獨老翁
問翁為誰曾守右北平當年率師臨盛秋匈奴不
敢稱其名暗中射石黃雲冷白晝騰虎俱崢嶸徒

誇結髮已百戰。未得一當單于兵。年年出師作裨將。帳下健兒多專城。繇來功高賞不酬。惟有茂陵輕封侯。數奇縱遇高皇帝。豈得便與韓彭侔。君家丞相在中下。何況長平冠軍真傑者。

登州行南空對青外秦嶽火球李

登州城上鴉亂栖。登州城中虎交蹄。海月靜泣萬鬼室。石龜不語聞冤啼。遼東小將齒嚼血。見虜骨寒工內齧。白紗黃衣擬府主。霜戈不知人膏熱。赤風遙走腥入天。銀鎗夜燄弓鳴弦。海東已絕安巢

燕黃睡飛芻不得便。臙脂岡下日脚紫。田橫山前飽鳥鳶。天子防胡凌海水。專賜柴節鎮牟子。誰知犬羊不在外。攙搶枉矢流於此。此輩豈必皆驍雄。乞活饑民被驅使。近聞江南賦斂急。一禾安得生萬米。反者不徵此倍輸。老農眼血對眠耜。

前題

作於四五月間

陳子龍

山東無兵八九年。遼人一夜成豺虎。千村寂歷烟火微。燼邑殘城滿鼙鼓。新年轉戰渤海。上登州將士猶無數。青旗倒折赤幘來。哭聲斷處同時脯。祇

存○美○女○及○衣○冠○兩○城○百○萬○今○爲○土○昂○然○橫○玉○二○大
酋○高○檣○錦○纜○凌○滄○州○隨○風○吳○越○抵○交○廣○東○煤○虜○孽
乘○清○秋○竊○聞○朝○議○且○曲○赦○此○事○若○成○方○百○憂○未○必
田○橫○有○義○士○大○者○爲○王○小○者○侯○老○鴟○幸○歿○假○雛○翼
易○軍○擁○帥○椎○鼉○牛○遼○東○健○兒○亦○愚○曠○管○日○胡○躪○殘
首○領○縣○官○收○爾○新○長○成○彎○弓○射○日○孤○雲○冷○止○令○天
下○軍○心○強○叛○服○無○常○盡○馳○騁○吁○嗟○朝○廷○方○用○兵○負
恩○不○滅○威○難○行

前題

宋存楠

戎○旅○騷○然○年○一○年○泥○沙○騰○貴○比○金○錢○燕○然○勒○銘○遲
時○日○刁○斗○旌○旗○紫○塞○連○天○驕○不○道○能○施○喋○詭○語○從
今○事○舟○楫○貝○闕○鮫○人○怯○夜○漁○龍○宮○海○若○愁○飛○涉○渤
海○親○教○宿○重○兵○毒○波○駭○浪○鞭○狂○鯨○建○牙○設○纛○藉○彈
壓○分○甘○奪○哺○迎○遼○丁○甘○泉○烽○火○孤○城○援○玉○璽○頒○符
重○徵○遣○羆○虎○千○番○棒○檄○催○海○枯○石○爛○風○難○便○聖
明○神○武○天○怒○赫○簡○書○功○令○移○魂○魄○不○割○持○刀○終○自
戕○治○絲○紛○理○無○良○策○羊○羹○鷲○炙○本○微○爨○熊○穴○輕○啓
全○齊○震○野○寺○燒○殘○剩○劫○灰○僵○屍○橫○道○閒○空○櫬○狂○童

國狗竟長驅。酒溫飯熟留斯須。赤眉黃巾正求友。
妻妾子女浮珍珠。草根白骨青塚哭。梨棗蒼蠅銜
腐肉。豺狼跳叫狐狸號。數下堅城幾破竹。么麼蜂
蠶何蠢蠢。命輕責重軍書緊。南北咽喉孔道驚。穆
陵無隸魚鹽盡。大逆檻車殊鳥獸。頭顱飲器千金
購。蛙鼓蚊雷霹靂前。彎弓射日當清晝。坐甲羸糧
惟敵求。揚灰裂角龍文牛。書生膽核藏蓄縮。漏師
失屬滋殷憂。登州更屬兒戲場。阿誰城上遙相望。
將軍逢賊便握手。悠忽白日夜倉皇。奸軌合從將

大逞。貴官長吏猶搏影。民能齊言皆屬齊。更漏沉
沉落瓶綆。美人怨眼香淚竭。寶劍霜花搖尺鐵。千
家燈火青熒熒。惡風吹箭當空折。龍媒倚徙卷蜃
毛。俄傳城尉半銜刀。咫尺十步莫相顧。賢愚貴賤
齊所遭。陰雲慘凍烟失路。白雪三尺鮮血汗。聞道
中函緩一死。四海紛然向東指。

前題

朱灝

鬪鴉兒。譟螽起。金馬走宿圍。驚冠染雪紫。鯨奔東
海海。吼逞伏猊夜。張蚩尤影。害氣吞城渴。蚪哽鐵

衣赤縫肉合領。鬪饑左右封。迷臺膏紅鬼泣無黃。
埃逆霄汗潢。驚黔雷幕。驅生翼虵集鱗。風噫燐碧。
腥烏脣赭。草布昏羲失輪。括火焚自巢。毒卉方蘖。
辰血濤汗。駒刷劍花缺。零春妖旗閉斗。失東柄斬。
蛇殪豕望偶人。

遲暮行

徐孚遠

茂陵少年頗好老。老公孫已貴。伏生徵道。黃金鑄就。
赤渥注駒生齒。齒猶食上林藁。上林風沙多吹沒。
賢達當奈何。不成爲君御。往來坂坂逢。怒訶長途。

欲一言白魚安足歌。不如作力遊泰山。徙倚日觀。
間天關。神人杆關不可攀。雲雨咫尺徒爲奸。羣犬
相鳴吠老蛟。立闌闌。昔日成安君。市門吏。笞背然。
不然縱橫已成。但晏眠。從此却去二十年。猶能說。
項持秦權。

前題

陳子龍

無情忘白日。有情泣年期。是以復巖深澗之松栢。
蠢菌千載梁棟姿。渥注神馬三歲無人乘。跳舞朔。
風心何悲。君不見東鄰嫫母三十嫁。老農欣動盛。

歸常蚩蚩。又不見西施十五六。空房怨艷傷失時。
丘壑自有物。天地何得久。相欺風塵稍稍壯。士喜
後劍起舞呼龍螭。婦人醇酒何物哉。不能忽奮難
驟衰。世上白髮紛紛何足數。獨我年少劇可危。

前題

李雯

白日白日且安撫。吾語若東鄰有好女。三年不嫁。
顏色盡如土。南山管日龍馬駒。農夫傳之與牛伍。
鬣焦齒平骨歸沙。田伯樂泣之涕如雨。珊瑚乃樹。
大海中鐵網不來朱光腐。人生不若貴禹桂千秋。

萬歲立空山。金鷲飛飛來復逝。

西陵曲

一名西冷

顧開雍

勞勞怨雨孤山秋。一天啼綠寒啾啾。湖波頽光咽
不流。紅烟舊土剪暮愁。桂洞蒼茫墜涼葢。暗泉下
道銅鈴歿。髭鬚桂樹突青晴。老松剝鱗濕丹髓。冷
雲撈攏白草長。壁油無心懸露光。白日幽寐叫高
鳥。黑石平聲碧花醮。求蘿逐狸澆椒蘭。三尺爛鐵
吟哀湍。流年一度彈落月。黃昏不還淚如髮。行人
夜夜塘浦來。敗芰殘霞向馬虺。樓臺半入江沙鼓。

斜。曛。光。彩。愁。無。媒。莫。忘。紫。燕。人。間。路。西。陵。橋。下。吹。何。數。

妍歌

陳子龍

青。玉。流。寒。雲。照。臺。雙。成。弄。影。香。霧。開。鴨。綠。屏。風。綴。玫瑰。縈。嬌。縮。艷。雜。烟。來。紅。絃。沉。沉。壁。間。雨。銅。鋪。凍。斷。幽。紋。古。花。更。搖。夜。蘭。思。苦。銀。燈。背。人。浩。無。主。嬋。娟。抱。夢。歡。魂。盡。春。山。入。懷。隔。秋。浦。敲。墻。踏。鸞。望。河。鼓。我。為。楚。歌。若。楚。舞。

邊風行

陳子龍

十。月。居。延。邊。草。死。黃。風。吹。沙。萬。餘。里。落。日。半。照。牛。與。羊。入。暮。胡。笳。馬。上。起。枯。桑。淅。淅。雜。聲。來。城。頭。鳴。角。何。時。已。千。烽。齊。過。玉。門。關。一。聲。夜。渡。黃。河。水。鴟。梟。宵。明。啄。戰。場。白。狐。青。塚。燐。光。紫。此。時。將。軍。歸。帳。中。霜。戈。壁。立。月。在。空。金。鏡。十。部。盡。胡。樂。屈。卮。舞。女。酬。新。功。美。人。起。唱。伊。州。曲。颯。然。四。坐。生。悲。風。回。首。中。朝。冠。蓋。子。賜。貂。方。出。明。光。宮。

前題

李雯

胡。雲。欲。斷。黃。沙。吹。邊。風。獵。獵。嚴。鼓。鞞。龍。堆。之。下。寒。

日瘦四山夜紫霜。下旗將軍昔在凌河戰。今日凌
城積水霰。白骨有我同袍人。化作飛塵來拂面。胡
兒錦衣蒙茸裘。漢兒單甲鉄兜鍪。自言委棄沙場
裏。朔風何不吹髦頭。

壯遊行

送董子也

陳子龍

董生今年匹馬走江外。我爲疑之久徘徊。羣盜倏
忽滿天地。諸公寂寞無雲雷。中原惟馳白羽箭。燕
京誰築黃金臺。九關秋風虎豹怒。三河曉霧蛇豕
來。拔劍斫之非汝力。蕭條千里空塵埃。董生笑謂

爾不知十年以來嘗好奇。結交半在五陵下。學道
時歷三山期。方士新獻壓虎術。廝養能獲射鵬兒。
去年種田地。肺山今年牧羊東海涯。我輩龍蛇不
可測。豈得便採商山芝。渡江十月淮陰城。鵠鶴鴻
鴈相哀鳴。黃河獵獵吹天外。彭城落日高原明。山
東故人久相待。有吳君子舊知名。昨夜山中射兩
狼。解鞍且坐爲爾烹。官軍近日渡膠水。鯨波餘孽
猶縱橫。有書可射聊城下。有酒可却萊夷兵。忽然
念作并州歌。挾旅夜走桑乾河。揚鞭入帝里。宮殿

何。我。我。稍。易。儒。冠。拜。學。士。董子省其祖學士公歸。來。仍。着。紅。

錦。鞞。亦。有。金。張。共。出。入。豈。無。李。趙。相。經。過。選。人。不。

就。太。常。祝。夜。飲。不。逢。小。尉。呵。燕。姬。一。曲。那。可。留。傲。

然。大。舶。凌。滄。州。尺。書。別。島。効。奇。計。樓。船。屬。國。恣。遊。

遊。或。回。榆。關。外。轉。歷。青。海。頭。但。言。遼。西。樂。不。言。遼。

西。愁。白。衣。緩。帶。河。海。客。挾。策。且。試。東。諸。侯。長。揖。高。

坐。諸。將。上。紛。紛。參。佐。無。風。流。東。裝。又。出。趙。邯。鄲。更。

將。西。入。秦。長。安。雲。中。北。望。虜。千。帳。榆。林。傳。烽。遮。賀。

蘭。將。軍。守。邊。盡。金。注。王。公。設。險。無。泥。丸。高。旗。大。纛。

但。強。飯。短。刀。長。鋏。憂。忘。餐。人。生。會。當。有。鱗。翼。時。衰。

便。得。成。羽。翰。萬。里。之。行。豈。足。道。青。天。肅。肅。路。漫。漫。

我。聞。君。語。生。雄。風。燕。南。冀。北。萬。馬。空。或。授。黃。石。書。

且。遇。採。藥。翁。朝。泛。獺。狍。境。暮。宿。新。秦。中。古。來。英。雄。

各。如。此。後。人。戚。戚。何。其。窮。我。今。亦。將。取。侯。印。移。封。

更。乞。蓬。萊。宮。安。能。徒。作。老。文。士。天。下。健。者。獨。董。公。

池上寒月與客集宗遠園亭限如字

陳子龍

碧。雲。素。月。相。躋。躡。九。秋。楚。客。神。清。虛。流。烟。娟。娟。臨。

廣除高天飛霜獨愁余。幽潭不動寒有餘。枯林窸窣光崎嶇。上有棲鳥下有魚。群影淡艷傷哉疎。命客為我停望舒。既醉且攬雙成祛。疎身凌競高涼。居何以贈之璠與璵。今我不樂將焉如。

前題

顧開雍

四天寥泬平涼居。寒秋欲進聲踟躇。獨月皓露臨廣除。蒼茫侵人涓涓初。有客浩淡來何徐。長風拂林紛蕭疎。芳蘭不盈間襟裾。與子嬉遊寒芙蓉。高言淑明充子虛。危霜夜重光難茹。烟姿偃蹇愁度。

余清娛支持留。欬嗟孤雀叫嘯依。衰蘆瓊雲泱泱遙。青車泰山梁父艱。趨起羅衢星漢曾焉如。

前題

李雯

高天流寒雲不舒。秋娥浴藻臨清除。鬱盤煙路巖中踈。上有高木涼以魚。皓鶴偃蹇影上居。欲鳴其寒步為除。披衣拂袖霜有餘。星漢離離愁照余。仙人不下青玉書。瓊瑰在懷將安如。終筵坐起攬客裾。飲酒極樂悲來初。

前題

夏允彝

浩浩無主開涼初。糺連積影消清渠。疏雲澶宛將
馬如。長空寂淨遐哉。虛高楊杳拂森旒。旒空庭羅
月光紛挐。狂呼烈激歡林閭。栖鶴巧舞其來徐。魚
閒樂我濠上居。醉歌欲極重欬。歎寥寥風接聲愁
余焉用解憂攬子祛。

青溪城望天馬諸峯

顧開雍

城頭草深馬尾青。白雲拂樓千片明。遙巒八九眠
不起。中懸一峯縹渺子。參差坳莽老綠平。山烟如
啼春聲。歿昏蒼浩浩。理難收。真宰顏唐青冥愁。睥
睨晨挂長天路。人向此中空光度。

秋旅行

顧開雍

江干蕭颯哀空茫。城頭落葉依枯霜。翔鴻相失鳴
垂稂。桂花不白沙。不黃鏡湖百頃青。頽塘千年沉
綠愁。相忘古木老聲高。無光禪房月落辭迴廊。鬪
蟲急響馳踉蹌。星河羅列何成行。下堦四念憂無
方。隴隴滴露思中央。朔風鬻栗來申商。羅帷森森
秋在旁。晨聞鴈子傷中腸。欲明不明酸清眶。遙傳
海土呼愴皇。青煙不絕燒高岡。黑夕登陴恣危檣。

使君發卒如蜩蟬。出門薄游未久常。越州迢遞分
車。韁殊音自理安。珪璋黃昏無言支。胡牀

春暮曲

宋存楠

鶯啼柳弱春無恙。到處逢人慣相向。烟絲風眼自
希微。絮散花飛更搖宕。道旁路熟香塵淺。謝娥奮
袂羅衣卷。碧草欄鞋澁未前。黃蜂撲面香難遣。怯
深羞重自然驚。欲語還停更有情。莫教纖指傷桃
李。明歲還來底下行。

鴈蕩圖

朱灝

山靈厭寂家羣鴈。管貌得從毫端幻。龍嵒噴吐盡
指名移置不離雲。物間荆驛拔石亂。青郵古僧千
歲自羈束。梁身崎嶇洞命懸。雷巖已長寒。風粟襍
頭大小隱。林泉芝頂可採飽。游屬雙筍解籜露玉
青。照膽潭作銀潢錄。鶯啞仙掌瘦看魂。五老不知
甲子從應真。洞口烟可耕。響嶺大木向霄顛。水簾
織珠絡玉絲。聽詩之叟若顧誤。白雲寨內饒關雲
靈巖滴盡渾沌乳。平霞玉屏阻義鞭。展旗天柱空
成錮。卓筆自出獨秀華。玉女惟駕雙鸞步。石龍戰

海勝居湫橋渡神仙愁墮屨參差皺透逗天聰魄
骨善化疑蟾兔版障奔霞列赤城鞍嶺待登留古
駐石門飛石瑞鹿峯剪刀欲截紫冥路穴鼻幽畏
聞雷腥詎那對瀑驚星吐鴈頂猶不拒鴻人錦溪
偏洗珊瑚骨華陽能養秋月丹梅雨猶飄微沫髮
擎九嶷嶂每含珠大陵崖我色俱艷戴辰昇視珮
孤光燕尾泉飛裂玉首韶景不斷行春梁丹芳已
開天畫牖四十九盤真宰迷內外二谷發險筇筋
竹澗中展齒祖十八寺布烟雨畝寸管通神具五

構綠營青縑素壽

五言律詩

春望

李雯

春事莽無屬煙花赴北樓沙柔浴鳥喜藻合戲魚
留萬木開巖色五湖淨綺流亂離聞不少聊樂是
南州

前題

周立勳

春平流野色雨外落花初紅滿鶯啼得青留蝶意
徐孤村芳樹靜高閣冶雲舒兵甲傳齊魯江南未

掩鋤

前題

陳子龍

春深天意靜。草滿碧無聲。野濶烟難並。山濃雨易成。火應殘海國。花及綴江城。掩抑傷心細。吳農且放耕。

前題

朱灝

舊篠懷新霽。歸花因草羈。廢巒青亦謫。悍水白為欺。葉冶通朝晃。絲遊忘暮思。窄堤寬柳帶。倩鳥浴猶疑。

前題

顧開雍

城外春難約。遙青盡可名。遠烟淡林晝。薄雨滯川晴。岸帶數家暮。橋餘一板平。江南多媚日。天地不休兵。

前題

宋存標

不辨烟中路。孤情黯自消。柳深鴉隱背。桑長草齊腰。雲破日光漏。帆移樹影搖。意隨春近遠。送目入層霄。

對鸞

陳子龍

啼魂時隱艷。軟語待春催。麗曲温香裏。美人烟霧
臺。雨深花幕病。日弄柳衙詼。造次憐看汝。遊絲可
自媒。

前題

王元玄

小舌何乃縱。趁花靡不爲。猿聲欺蜀帝。急語盡吳
兒。惱亂醉愁夢。羈棲迷蕩思。芳春啼恐盡。逐去最
高枝。

前題

彭賓

象鳥知時早。流鶯啁翠新。誰羈晴日暖。相引野鳴

春柳帶數聲。怨風迴湍水。頻墮枝吟不定。毛羽且
須珍。

前題

周立勳

前林香汎汎。小羽接枝飛。閨暖啼紅暮。天深歛翠
微。鸞鳩安近意。鷹隼足危機。湘浦空烟外。雪衣暫
與歸。

前題

夏允彝

花灼繒雲薄。柳濃簾霧深。美人發清嘯。流水傳空
音。急管煙棲澁。新簧綠影沉。窮邊春未遍。度此啓

遐心。

前題

朱灝

絲光鶯度細。綃幕轉春機。聲澁雲猶暹。啼翻花已
飛。碧拖嬌弄帶黃刷拂昏衣。遷影風猶顧。翔空破
玉圍。

前題

宋存楠

朱檻艷光滿。流鶯漾曉晴。縷衣春護惜。箏語柱分
明。驚夢海棠睡。銜花柳絮輕。幽棲閒不擾。斗酒爲
之傾。

江南贈別

周立勳

吳雲高未收。離別在中洲。蘭芷牽芳恨。芙蓉濕曉
愁。波聲微動月。山氣遠疑秋。解佩無言贈。湘江夜
雨流。

前題

陳子龍

自古相思地。離筵意渺然。雨深南國暮。雲滿北征
年。寇盜悲橫墊。蛟龍喜浴川。時艱更行役。大抵急
幽燕。

前題

李雯

携手清郊暮。江波意渺然。齊秦聞亂角。吳楚未孤
煙。谿靜鳥虛映。巖高熊欲緣。未知安枕是。况復畏
途邊。

前題

夏允彝

江南烟水濶。城市亦蒼涼。魂斷花飛瓣。心傷草膩
香。鳥翻洲渚白。帆帶荻蘆黃。京洛風塵遠。尊鱸應
未忘。

前題

朱灝

江花流去顏。缺月欲歸環。裝冥資區水。離雲入別

山。帆成未脫葉。漿作比飛鸞。天岸為烟壑。分衣復
碧灣。

前題

顧開雍

江流懸六月。客意薄三吳。拂映辭楊柳。揮雲遣鷓
鴒。旱城多瘴苦。時吳國大旱兵士亦憂虞。君自中原寄

懷鉤倚大都。

前題

宋存楠

別浦遙遙路。相思何處樓。帆輕淮雨出。夢白楚天
浮。烟水蒼茫事。笙歌次第愁。雄心尊酒盡。安得為

君留

病鸚鵡

陳子龍

久為簾幕客。心性學吳姬。同悴風前伴。相思隴外知。多言老更甚。解夢病增疑。莫厭樊籠困。春鷹不敢窺。

前題

李雯

豈無嶺海思。空伴曲閨愁。孔雀休云妒。雄鳩吾意羞。廢香憐翠羽。瞑目傍銀鈎。恃有能言智。敢為僕妾謀。

前題

周立勳

高樓思不靜。賴爾結幽心。欲去難恣舉。能言且未深。移籠窺月細。碍架啄花禁。懶與園林近。愁時聞素琴。

前題

徐孚遠

鸚鵡恣奇慧。孤生仰主慈。近人分珍惜。強默遂支離。會見羽毛損。寧辭讒口疑。放歸不度隴。日後得還思。

前題

彭實

壬申文選

卷之九
十八

小樊堂

花○簾○愁○日○夕○倩○爾○伴○微○櫳○不○容○身○先○失○相○思○夢○未○
通○綠○衣○羈○客○瘦○紺○趾○困○樊○叟○遠○掠○驚○迴○看○藏○身○幸○
主○翁○

前題

朱 灝

羈○條○已○訓○氣○語○默○未○謀○時○久○怯○朝○陽○色○唯○牽○舊○隴○
思○澁○聲○不○媚○聽○振○影○是○中○醫○羽○翰○難○重○刷○如○新○矰○
繳○悲○

前題

顧開雍

隴○來○隴○讒○支○慧○入○宮○語○病○工○苟○知○馴○主○夢○辭○粒○學○
修○聾○

枯桐

李 雯

幹○自○青○銅○立○枝○非○鳥○雀○安○沉○濃○思○昔○蔭○疎○老○未○云○
殘○白○月○憐○彫○影○玄○霜○擎○古○寒○遙○知○風○雨○夕○歌○響○夜○
珊○珊○

前題

朱 灝

鳴○骨○咽○朝○濕○夜○風○未○語○深○鸞○無○憑○夢○影○雨○失○洗○華○
心○冥○節○不○聞○閨○虛○中○可○返○音○倚○空○難○俯○爨○合○體○斷○

分陰

早春

陳子龍

嫩寒猶傍雨。鶯弄促芳春。香洗憐梅。波清落鴈。臣山光開小羽。雷勢發羣鱗。空野烟雲薄。迢迢倍損神。

前題

周立勳

春至忽無迹。日光動柳姿。故寒寧在水。新事已歸時。梅暖花香半。雪殘鶯語羈。曉山初麗色。少婦莫相疑。

前題

彭賓

羣氣動偏疾。初來野色移。暗芳勤有托。餘冽憎非宜。啄雪鳥欺暖。迎香花失居。未知寒已破。雨歇見支離。

前題

朱灝

凍雲已失所。鳥語不粘寒。波止光猶廓。柯參聲已乾。燃梅月假道。絲柳霧垂鞦。羣影動封碧。野姿驕寂巖。

前題

顧開雍

春光復欲至。經物亦難知。寒燄舊相失。新池曉自
漸。到花不定爇。招柳欲牽姿。最是清思發。無聲草
待滋。

前題

宋存楠

今古江南思。年華遞歲時。鶯啼嬌漸出。草長綠能
知。暖日私花氣。輕風入柳絲。江臯擁妖麗。連袂且
遲遲。

螢

李雯

幸與草根別。猶分日月光。星星近相接。耿耿自能

荆。不。甚。辭。統。扇。偏。宜。隱。竹。牀。諸。蟲。復。何。意。荒。野。夜
行長。

前題

夏允彝

羽翼誰所假。歛然盛光輝。或云小草出。自作繁星
飛。疑焰然空小。難灰入幃微。熒熒如可久。不道聚
羣非。

前題

顧開雍

虛堂暗通夕。融融度冷光。星高不帶草。人靜欲逾
牀。遠客三更別。支離半骨涼。因人豈無意。小照自

微行

前題

王元玄

宵渚亂華清。微軀敢自明。失炎因六月。不寐獨三更。雨重時投幕。風高欲繞城。無為慕星闕。昨夜動欒槍。

前題

朱灝

資暮識錦里。木無改火驚。颺空縮月地。飛炬破雲城。猶益香鬟熱。能含玉腕晴。詩山乞小照。風向不烟生。

曉

周立勳

鳥飛分夜色。雲動散朝光。曲障餘佳睡。虛窓入早香。鏡奩初達曙。鬢髮未成行。誰念高樓外。寒風與雁翔。

前題

陳子龍

空光雲外至。淡灩散林鳥。殘月初回夢。幽花漸入圖。乍明羞障幕。先煖照笙竽。行樂如昏旦。華年不可俱。

前題

彭賓

巖星猶帶渚。庭燎尚餘熏。煖閣侵鑪氣。幽思接露
文。羣飛散曲亂。小靨辨痕分。放覺曙窓裏。雲來鍾
語聞。

前題

朱灝

勞星亦成覺。光歷已為吏。問影沉消息。依形淡有
無。經空蒙不滓。微沒淨非逋。共漾晶盤內。神居似
得圖。

前題

宋存楠

此景正如何。朝天佩玉珂。深黃疑日月。淺碧辨山

河隴塞因程遠。鶯花憶夢多。更憐簾幙裏。雲雨失
湘娥。

燕巢

陳子龍

海濱羈旅客。幸托画梁宜。養子仍能穩。污泥不在
早。知兵營暗壘。識向避非時。莫恨秋風。蟄華堂。今
政危。

前題

夏允彝

網羅橫林密。未若依人舒。嘆息語其婦。辛勤營若
廬。墻圍不厭固。兒女行森如。所願曾留爪。年年無

事居

前題

朱灝

瑤光欲藏室。避戍建歌梁。卜向難開北。安焚猶宿
堂。構成耽懦。影匿戀柔鄉。不昧吳宮照。新泥免
故傷。

楊梅

李雯

是物矜清夏。蒼山一夕丹。霞光酣入液。瓊理細便
餐。酸去寧香齒。殷餘灑白團。吾聞多內熱。不遣植
長安。

前題

陳子龍

盤餐媚朝日。五月艷新姿。絳雪寒清幄。明星綴曉
枝。禮無原廟薦。驛少後宮馳。分餉江湖士。流紅染
越絲。

送董子出塞

李雯

董子竟北去。朔風秋塵揚。種芝不待長。拔劍良有
光。燕市訪屠狗。龍沙好牧羊。丈夫自有意。時俗譏
清狂。

其二

公業食不足。季心天下知。由來游俠士。所貴行藏。奇西北風烈。古關河豺虎疑。莫隨李郁尉。匹馬陰山陲。

前題

徐孚遠

董生長寂寂。况乃當秋高。劍氣方鳴壁。鷹心在脫韝。聊書諸將請。燕市酒人遊。遲子度聊日。應為皇甫留。

其二

結客裝千萬。東臨遼海頭。平沙連塞色。舞雪壓征

裘。決策敬通敵。開園子義儔。十年傷老大。托意在吳鈎。

其三

聞道長淮北。連天沒錦韉。魚龍浴廣陌。貔虎怯平川。好武今何得。博遊有歲年。且將高士榻。直下漢樓船。

送密之歸皖桐

陳子龍

君歸秋色盡。落葉九江哀。宿雁依寒水。潛蛟避古臺。衍餘圖馬在。機及木牛來。

密之衍易解作木牛

霜月橫吳

楚。清。光。送。客。杯。

即事

周立勳

天。地。原。非。爾。山。川。亦。有。羣。草。深。風。不。去。岸。盡。水。為。分。暗。葉。蜻。蜓。戲。晴。沙。鶴。鶴。勤。客。愁。容。易。得。喪。亂。復。相。聞。

夜步

王元玄

草。細。通。幽。路。雲。香。接。暮。衣。夕。陽。鳥。際。淡。初。月。烟。中。微。野。火。亂。林。石。碧。蘿。來。作。扉。悠。然。夜。遊。子。惆。悵。臨。寒。輝。

即景

徐孚遠

茲。遊。得。首。夏。風。雨。晚。晴。移。虛。磴。分。流。細。深。篁。引。翠。遲。鴉。歸。知。暇。豫。鶴。飽。看。傲。差。我。亦。悲。生。事。登。樓。蕩。遠。思。

前題

朱灝

輕。烟。自。無。悶。綠。蔽。鳥。偏。窺。花。盡。無。心。地。雲。摩。臨。照。池。林。招。光。習。息。閣。立。景。能。隨。棲。步。苔。虛。左。函。幽。已。破。詩。

曉發婁江

周立勳

臥起留朝日。開船得小寒。山雲連雨暗。江草入風寬。天勢容高阜。客懷在遠灘。無慙遊計拙。秋色白門看。

早發

徐孚遠

早發孤城外。緣流宿霧中。野航分岸出。村樹入烟同。高枕負微日。長歌想大風。生平多道路。愧此北飛鴻。

村行

周立勳

散漫平蕪勢。沿流覆淺塘。日光雨後白。柳色霧前

黃江米荒村市湖魚別浦檣囊空行欲止春思別茫茫

送杜罔思省親温州

陳子龍

小舫逐烟姿。君行知有思。涉江神女賽。度嶺石門詩。明月夜深緩。陰峯暑到遲。聚歡應好夢。我意欲相期。

舟行即事

徐孚遠

風波猶未惡。衆力已云嗟。斷岸奔流出。迴舟溜日斜。驚魚沒近渚。孤鴈啄平沙。斟酌征途事。我行亦

有涯

中秋一日別橫山作

李雯

日暮風林肅。雲歸征鳥浮。殘崖能自古。幽徑易為秋。高嘯呼龍睡。長吟與鶴謀。收樵時有意。問我在園丘。

其二

宿霧有時積。連峰不肯平。風臨巖際靜。花向暮光明。蛩响聯秋竹。菰香冒野萃。懸藤有孤致。山鬼未能驚。

聖期別業即景

陳子龍

晨光風渚淡。首夏濯羣妍。遠浦估船泊。高林梵鼓傳。岸香藤覆水。墓濕草深烟。盡日荒郊路。江流同去年。

其二

雨淡海棠外。春深弄小紅。猶殘花夢後。已入夏雲中。深隴常藏雉。江清欲下虹。農家早收麥。官吏曉年豐。

其三

虛室河干靜。青苔深淺同。漁蠻絲網月。龍女繡幡風。麥秀歌村老。蓬辛泣小蟲。避愁無地好。踏徑暝梵宮。

夜眺

徐孚遠

難忘此夜月。良久佇空林。清影散幽壑。微吟起莫禽。風寒木葉下。雲臥石苔深。漠漠天高去。相看獨撫襟。

晚意

李雯

敞墅寒原外。孤庭亂木中。雜霞停暝色。清吹入高

桐村靜。砧春急。星嚴鳥雀通。蕭條最無事。間久獨成翁。

晚寒愁坐

周立勳

萬樹斜陽裏。啼鴉敢後歸。籬邊殘菊墜。野徑短花肥。孤意難憑几。愁心未理微。無端憐鏡影。巫峽故雲非。

幾社壬申合稿卷之九終

幾社壬申合稿卷之十

幾社壬申合稿卷之十

華亭杜騏徵

徐鳳彩

盛翼進全選

五言律詩

行樂詞

陳子龍

小少通輕俠。家門事事宜。初成巫雨賦。新聘茂陵姬。玉盃分長樂。珊鞭貢月氏。青樓隨意入。不信有相思。

其二

高樓臨曲沼。朱檻動波濤。別院空歌舞。中堂列羽

旄難忘三婦艷。早結五陵豪。夜飲何能倦。深寒解玉縈。

其三

珠簾花正艷。春夢入葳蕤。碧玉籠嬌鳥。沉香浴小姬。早冠迎劍客。晝飲試華師。日暮歸何處。銀燈楊柳絲。

其四

池館新成列。來尋舊酒徒。水嬉開曼衍。春倦借樗蒲。宮樣監奴舞。戎裝燕女扶。自矜能任俠。有客履

明珠。

其五

誰家好男子。甲第五侯中。世爵當橫玉。先朝有賜銅。雀屏秦鏡碧。鳳枕漢環紅。猶恨難爲宿。長歌教小童。

其六

清麗仍儒雅。風流不負身。性能通樂府。名早廁騷人。小史勺箋膩。青娥搗藥新。詩成花幕下。燈火晚留賓。

其七

待○月○樓○頭○宴○霜○飛○龍○腦○塵○賜○釵○雙○翡○翠○壓○袖○小○麒○
麟○閉○幕○矜○歌○妓○持○金○看○浴○人○溫○柔○兼○激○宕○意○氣○往○
來○新○

其八

出○獵○平○郊○道○紅○粧○隊○隊○霞○探○丸○望○楊○柳○踏○鐙○理○琵琶○
佐○酒○龜○茲○樂○傳○闈○大○宛○駟○醉○嬌○聯○騎○去○油○壁○晚○
還○家○

其九

春○江○妙○含○雨○錦○纜○濯○烟○姿○繞○岸○聲○歌○合○沿○溪○香○粉○
遺○佳○人○沉○玉○珥○神○女○獻○金○支○彷彿○陳○王○事○年○華○不○
可○衰○

其十

未○極○人○間○樂○寧○知○真○有○焉○碧○雲○扶○殿○閣○素○月○館○嬋○娟○
穆○滿○旌○旗○日○劉○郎○陵○墓○年○若○云○天○上○好○何○不○遂○
神○仙○

憫亂

致○亂○非○今○日○傷○時○獨○野○人○甲○兵○天○下○半○徵○令○歲○時○

李 雯

新厚俗知。明主群疑歸柄。臣如何舊封域。一往見荆榛。

其二

學盜乃甚易。為農術已窮。飛旌愁故壘。亂角怨秋風。爭穴皆韓兔。當關誰渭熊。十年大流血。廟筭訪群公。

其三

斬鯨竟何日。受鉞乃紛然。留盜貽天子。糜金衍歲年。舟航戒吳越。車馬怯幽燕。年少清河客。羈棲

獨可憐。

其四

土著避羣盜。翻然調遠征。民流讐主客。卒悍自縱橫。雄特先乞活。陳吳亦戍兵。幾人廣武歎。孺子得成名。

感秋

李雯

遂有矜秋意。空庭落小涼。晚花濃刺日。病葉墜先霜。爽動宜鷗鷺。驕騰問犬羊。郊原最愁寂。瀝酒對滄茫。

其二
寥落生閒思。蕭騷宥我宵。天高不與野。淨自能
供木末芙蓉見。泉踪薜荔封。明霞如可掇。幽意渺
相從。

其三

四海鬱兵氣。山川尚有姿。登臨及今日。幽滯失良
期。不解洛生咏。能吟豪士詩。閉門聊自臥。亂石迥
相宜。

獨立

徐孚遠

獨立孤城暮。因來池上亭。疎林延赤景。高鳥下青
冥。亂水歸舟急。綠村漁火熒。砧聲無意緒。遣我若
爲問。

避地

朱瀨

清涼以利見。水性去炎洲。七戶謝聲木。九關納息
輜。雲開無任地。花有不時秋。騰氣神樓結。唯栖大
塊舟。

雨

夏允彝

溟濛原樹合。心遠動無涯。墮鳥餘煙感。歸雲滯影

睽肥添山意重。綠覆水容斜。杏雜愁難次。沉沉竚晚霞。

舟涸

陳子龍

舟影清虛斷。秋炎日夕加。幽燕傳厭雨。江淞反覆沙。越女擔鹽橫。村童堰水嘩。憂虞萬端在。行旅莫長嗟。

偕諸公集盛氏

陳子龍

俗士久不遇。雅人天下稀。文章矜意重。遊戲壯心違。塞北聞兵聚。城南見鳥飛。諸公無寂寞。日月未

全非

冬日遊小赤壁

周立勳

野橋臨斷澗。開徑入藤蘿。水亂山光動。草涼雁影多。更無青嶂立。惟有白雲過。細石皆文理。徘徊此一阿。

再過澱山湖

周立勳

百頃平無岸。浮雲細未連。鷗鳧圍白渚。鴻雁沒青天。島嶼斜陽樹。旄櫓獨夜船。應分帝子淚。瑤瑟理湘絃。

漫興

李雯

日見寒林暮。難禁細鳥喧。高雲總自去。饑鶴靜無言。歲月英雄悴。江河盜賊尊。吾聞徒步客。薇蕨不能殮。

借萬年少李舒章宿陳眉公先生山房

陳子龍

與客俱好靜。夕陽水上寒。遂繇晚山下。頗歷幽人端。鳥鵲振風起。松杉入照殘。夜深更語笑。明月畏相看。

其二

連袂上雲岫。寒心各自知。預營高士墓。乃築仙人

祠。時先生方營生壙。築呂仙祠于其旁。江海鳥飛內。水霜月起時。幽

幽林木下。浩蕩不能思。

晚宿野市。周立勳

荒僻真成古。淒涼雜暮聲。風烟聊散漫。雞犬似逢迎。百里遙鄉思。孤舟繫客情。愁邊多畏物。猶有未

啼鶯。

宿山園

夏允彝

山氣下簾櫳。垂花動酒紅。虛泉通石夢。細鳥啣藤
風。道士松下笑。小孃深夜蹤。凌晨尋雨葉。歸袖濕
蔥籠。

夜登虎丘

我來適此境。再見經營初。小築綠崖出。高榆帶月
疎。石平開面勢。澗古盪幽虛。坐久微風集。吹笙下
碧墟。

長州路

頴開雍

冬塘獨木路。歸鴈照寒沙。白霧兼波澗。黃蘆倚岸

斜。客行何歲暮。落日乃天涯。念此茫茫者。江楓點
數家。

其二

日晚定何去。荒煙與斷橋。平田出野燒。村祠雜枯
蕭。牛蹋已眠地。鴉羣半渡潮。傷心波浪澗。遲暮一
寒撓。

發金閭留別陳大

徐孚遠

爲客無端久。揚舲在此晨。歲寒常惜日。裘敝每嫌
身。小婦遲梁苑。東臯憶仲隣。幽懷難自理。清嘯發

高旻

金閭道

徐孚遠

小艇衝烟出。蒼茫置此身。溪行常失路。鳥語辨清
晨。客思如流水。天寒猶釣緝。予生或有托。風雨即
河津。

曉湖初晴

周立勳

日○色○開○湖○味○羣○峯○來○曉○清○鶴○飛○晴○不○下○鳧○沒○濕○猶
輕○大○勢○趨○山○盡○微○波○與○岸○平○西○陵○宛○轉○地○歌○舞○為
誰○成○

曉入西湖

顧開雍

湖○水○秋○夜○白○暝○雲○時○在○巒○帶○堤○煙○勢○直○過○月○擄○聲
寒○入○北○半○歸○樹○浸○南○純○定○瀾○紛○紛○鳧○起○搖○碧○倚
闌○干○

晴湖

顧開雍

宿○霧○初○收○態○涵○青○有○定○姿○畫○橋○分○嶂○脈○丹○閣○攬○湖
睂○娟○柳○涼○通○水○秋○花○香○吐○滑○蒼○深○何○限○理○入○目○已
透○迤○

雨湖

顧開雍

昏川浩平夕。兩容參差微。急息冲漿沒。饑霍揣亭。歸鍾濕依山。遠風吹到墓。非采葑翻舉。網燈火列丹園。

山樓夜意

彭賓

肅氣濶四野。高天皓月流。蒼冥媚幽目。清迥入寒洲。北澗响枯籜。南池起驚鷗。渺思不可禁。孤眺獨深抽。

立春

夏允彝

新雲雖窈窕。霜雪不辭春。花柳更相慕。清光若厭。

人年華多寂寞。日月半風塵。莫學情如水。芳時最損神。

前題

李雯

何事東風急。飄飄又逐人。不知歌管意。誰與歲華親。物色自相媚。羈愁有此身。五湖青草動。別是一年春。

除夕

陳子龍

城中百萬戶。繞繞管絃前。風俗隨鄉古。烟花隔歲妍。未應悲白髮。能不怨芳年。明日春光滿。經過劇。

可憐。

前題

李 雯

小館清池凍。寒城暮氣紅。辛盤傷老大。鈎戲憶兒童。
人世荒亭外。悲涼繁會中。生年未三十。鬢髮欲
怱怱。

燕巢

彭 賓

寂寞雕梁意。瑤光星散依。紫泥勤細築。黃口惜新
衣。鴟鵂知能避。蛇狸覺汝肥。飛鳴聊自好。詎足息
深機。

五言排律

重經 孝陵

周立勳

萬壑松濤滿。千盤輦路長。華夷還界限。天地隔荒
茫。虎護金輿秘。龍趨玉殿涼。衣冠畱至德。風雨散
靈光。翡翠鑪烟重。麒麟石勢張。勳庸皆賜冢。宿衛
儼騰裝。南紀瞻如嶽。西陵偃不岡。讖圖真有待。宮
闕鬱相望。一自弓額後。常思豐沛旁。赤烏曾置埭。
朱雀舊浮航。霸氣先年滅。皇風此日揚。應知卜洛
意。攘攘竟何鄉。

春寒大風雨竟日分咏水讓居

陳子龍

負濕恣佳興。天風動碧洲。野雲紛亂甚。潭影澹茫。
收聲雜情難定。寒深春不流。柳沉狂綠泛。花損瘦。
紅愁。小寺鐘搖暮。孤村樹學秋。展蕉思卷障。夾栢。
代張油蓑色。聯青草。漁絲起白鷗。蝸生盤廢院。鶯。
夢結重樓。雨外啼鷄。重烟中宿鳥。浮繡畦。奔峽澗。
幽渚恍蛟蚪。病對魂尤歛。詩成客進愁。人今無好。
事。勒占畏雨不至也景勿厭常遊。壓霧矜清夜。空雷逼暗。

丘籃輿忽踵至。稍愧鄭莊郵。

予復以輿載勒占遂至也

為杜徠西悼亡

陳子龍

本自巫峯秀。移來茂苑鮮。擷芳柱有若。求種楚為。
先。劉女門仍大。衛娘家更賢。小樓憐碧玉。曉匣棄。
青鉛。理鬢秋蟬見。飄裾春燕穿。桃花嬌暮雨。蘭葉。
破朝烟。龍腦燒鸞帶。龜珠飾鴈鈿。紅紋綃罷織。綠。
水軫初旋。繡幙金為剪。枯桐荻化絃。珊瑚扶鼠筆。
蛤粉拭魚箋。硯愛琉璃疊。文多玳瑁編。書名傳弟。
子。簫譜動神仙。紗繫輕持臂。鈎藏屬放拳。素娥雲。

作扇青雀羽成船。礮石溫香露。瑯玕刺寶輶。佳人
方鳳舞。公子政鳶肩。腸肉臙脂樣。蟾肪瓊瑀邊。犀
釘涼不捲。熊席煖餘妍。白髓資朝染。黃臍減夜煎。
歡情三午月。愁緒九秋天。急雨催銀箭。狂瀾盪石
蓮。飛花傷要渺。落葉病嬋娟。紅壁缸搖滅。丹幡輦
召還。玉妃呼月御。婺女失星躔。閨苑悲離宦。人間
泣杜鵑。返魂香自煮。懷夢草空眠。竊藥先奔羿。凌
波不姓甄。抱寒吟桂殿。流眄坐芝田。荳蔻心猶白。
悉茗莖竟玄。空餘龍縞襪。何用比肩甄。不見雲爲

雨常看水逝川。劉郎悲毒石。穆滿弔寒泉。銀鴨衣
猶熱。金蟲髮尚纏。韓馮飛惻惻。秦吉語僂僂。竟斷
燈初淚。神傷月再圓。自多新宛轉。無復舊因緣。熊
膽口中苦。馬蹄雲外牽。莎青神女塚。頭白小姑篇。
寄子九節草。貽郎七寶鞭。相期同不歿。愁悵白雲
年。

病鸚鵡

宋存標

春老香難護。深閨盟易寒。長疑代鼠禍。不是畏珠
彈。緘舌驚河鶴。隱形羞鏡鸞。聰明防衆忌。啼笑向

人看棄婦羞同遇。孤臣感萬端。多心經莫紀。狂疾賦誰刊。久失雲霓志。空留明月壇。雪衣應有塚。翠項苦無冠。減俸鶴來弔。開籠鷹欲蟠。六宮愁幾許。三詔侶應單。性慧偏無命。愁多何所懽。故鄉問消息。肯使羽毛殘。

七言律詩

感懷

陳子龍

北風日落海雲黃。萬里江南愁政長。長城市荒荒。淹歲月山河歷歷散。冰霜家無百頃。惟供客囊。少千

金不治裝。莫道重論遊俠事。中朝冠蓋本賢良。

其二

神京奕奕古幽州。紫禁烟雲屬御樓。天子新添太府寺。羣臣多拜大長秋。簿書衡石皆秦吏。封事飛霜半楚囚。奏對即今誰便殿。幾人江上自披裘。

其三

北極朝廷倚玉清。千官嶽嶽自崢嶸。外家難治椒房重。察子風聞御詔輕。薄暮赤丸燕市俠。連宵白羽薊門兵。公卿此日多籌策。徒向神宗說太平。

其四

軍府烽烟雜。兩霜盧龍萬馬盡。雲翔已將國計歸。
中貴更發兵符遣侍郎。虜部徙庭秋。上谷饑民舉
火。夜平陽君王留意安邊策。西苑親開內教場。

其五

文登窮寇夜傳烽。高塹蛇盤第幾重。豈止夷兵能
壁壘更無島。帥渡艤。幢五家墮指三冬盡。千竈炊
烟萬馬供。最是堅城宜早下。誰人百道一時攻。

其六

老上金人不祭天。分明運轉殺胡年。牛羊耗失思
南牧。風雨摧殘滯北還。來甲政宜謀馬邑。盟書誰
是奏甘泉。紛紛漢將檻車後。獨使中涓控九邊。

其七

中原側首半蓬蒿。丁壯江南盡輓漕。武備向推河
朔勇。寇來無復太行高。聖明倚重惟金部。海內
經營恃賊曹。若有王楊能事主。何煩桑孔計秋毫。

其八

謀國登壇事事能。榆關胡騎日憑陵。惟呼將士分

三。協。不。會。諸。侯。築。大。凌。西。極。火。攻。齋。寇。盜。東。首。天。
與。費。金。繒。至。尊。愁。坐。承。明。殿。諸。老。從。容。是。股。肱。

前題

李雯

出。廓。清。暉。近。我。廬。平。寒。萬。里。接。桑。榆。氣。傳。隴。朔。畱。
剛。俠。身。因。江。東。長。廢。迂。鷹。馬。遂。年。少。事。詩。書。空。
被。市。兒。呼。屋。梁。日。仰。知。何。益。應。有。侯。芭。亦。未。孤。

其二

揚。州。歷。歷。擅。清。華。煙。景。滄。茫。舊。帝。家。歌。舞。半。銷。隨。
世。事。藻。才。徒。橫。壯。天。涯。建。牙。冷。落。材。官。客。徵。稅。殷。

勤。油。壁。車。聞。道。永。嘉。近。無。恙。莫。從。之。海。問。星。槎。

其三

舳。艫。萬。楫。樹。雲。桅。江。米。如。沙。中。使。催。玉。粒。幾。曾。戰。
士。飽。朱。提。翻。自。絕。邊。來。和。戎。魏。絳。今。多。事。誘。虜。王。
恢。昔。異。才。最。是。臨。期。費。惆。悵。度。遼。紙。上。說。龍。媒。

其四

紫。極。神。都。稱。冀。州。幽。燕。霄。際。望。龍。樓。諸。公。舄。履。平。
臺。穩。天。子。雲。裘。黃。屋。愁。纍。若。殿。中。新。御。史。干。城。
闔。外。大。長。秋。更。教。內。院。三。千。騎。天。策。將。軍。居。上。頭。

其五

桑乾亦自號黃河。昔日天驕曾此過。遂使至尊
 深執法。敢辭諸吏盡嚴訶。若盧夜泣水霜重。江海
 秋風鴻鴈多。聖主搜才窮禁闥。豈無龍驥在巖
 阿。

其六

諸將東征未凱旋。黃雲白骨尚紛然。如何皮島凌
 波使。却似蓬萊方士船。不夜城邊守狐鼠。之罘山
 下候烽烟。孤雛已自驅蒼兕。猶枕雕戈望遠天。

其七

精新廟筭却匈奴。更使當塗一事無。國計總歸中
 謁者。刺奸還待執金吾。滿山白甲皆蛾賊。天下黃
 旗盡兔株。幸得五原天奪虜。陰山夜雪不曾踰。

其八

少府何無耿壽昌。度支不見賈弘羊。均輸自是安
 邊策。平準猶文足國方。追錄太山窮會計。力田蒼
 海貯厥倉。更虞地大人民衆。尚有紛紜勞聖王。

前題

周立勳

水○霜○清○歷○見○寒○阡○古○道○迢○迢○隔○暮○烟○家○本○刑○名○難○
去○魏○身○非○屠○博○倦○遊○燕○一○裘○冬○夏○無○知○已○十○畝○豐○
凶○有○稅○錢○日○月○易○流○壯○盛○裏○不○關○風○物○亦○凄○然○

其二

遲○遲○車○馬○此○神○京○甲○夜○猶○傳○召○對○名○相○國○分○曹○論○
寇○盜○侍○臣○開○第○揖○公○卿○朝○廷○遷○客○皆○言○事○邊○塞○臨○
戎○自○請○盟○愁○歎○子○雲○甘○寂○寞○南○郊○烟○樹○日○崢○嶸○

其三

不○堪○日○落○照○榆○關○西○望○燕○京○指○臂○閒○餘○孽○自○更○龍○

虎○號○新○軍○未○學○鶴○鵝○班○馬○蘭○雪○煖○傳○烽○近○鴨○綠○江○
寒○轉○餉○艱○最○是○安○邊○多○將○吏○却○令○風○雨○送○胡○還○

其四

長○圍○十○萬○赴○登○州○白○骨○成○原○旌○旆○愁○戰○艦○風○高○懸○
不○夜○戍○臺○日○落○擁○之○罟○觀○軍○中○使○頻○持○節○叛○將○連○
戎○未○解○鏊○苦○憶○黃○山○聞○設○誓○故○人○東○市○失○封○侯○

其五

當○年○文○社○亦○縱○橫○結○客○論○心○舊○擅○名○百○代○雄○風○歸○
吾○黨○三○吳○落○日○照○孤○城○明○時○鳳○侶○多○相○得○下○瀨○鷗○

群且自盟側足。未逢天下事難言。蓬華可遺榮。

其六

愁看鴈影度寒原。歷歷諸峯一望昏。此日黃巾窮
歲月。連宵白羽感乾坤。天涯流客終難遇。國事羣
公未敢論。不識銅山奔走路。棠梨花滿幾家村。

其七

金陵景物謝家多。猶憶東山載酒過。涼月自生琪
樹外。秋風欲下碧城阿。萬方搖落餘絲管。六代繁
華盡綺羅。疋馬驅馳曾涕淚。秦淮寒雨夜蹉跎。

其八

南浦烟雲不自愁。故人零落已先秋。十年著作時
方信。千里交遊晚更收。夢到青山成永訣。書留華
閣見貽謀。素車白馬真吾事。鸚鵡何言賦未投。
感潘也子

聞滇

朱灝

碧雞阻漢長妖纏。赤白橫馳逆毒烟。魑魅吹風猶
嘯勁。螭蛇撼日不知年。益州饒勢盤天柱。滇海騰
波梗地船。未洗甲兵河夜動。蠻雲亦復帶腥前。

前題

滇池東去走雙魚。漢瘴猶含古段餘。漢月千峰寒刻木。蠻雲萬里動征書。兵戈接勢初聞諜。旌節辭威已滿艦。中土即今戎馬隔。樓船未解下軍儲。

王元玄

前題

萬里朝廷恩澤阻。益州屬國漲妖氛。徹侯年少心懷土。使者謀輕血染雲。倒水飛蛇吞漢節。叢篁狂象載蠻軍。樓船未建高旗日。誰有相如喻蜀文。

陳子龍

前題

彭賓

練雲高出濮城屨。薜石斜侵蒙詔碑。漢使浪傳蒼磴檄。蠻軍直負亘箐旗。蟠胸瘴血埋天朔。進耳巫烟掣地祇。莫道此邦瀛海外。迤關舊戍共朝曦。

少年

周立勳

居近新豐識帝家。生年十五善琵琶。秦樓夜入明珠盡。蘭館朝回玉勒斜。風細綠衣從射雉。日微紅袷試騎騮。羽林多少奇材客。絕塞功成有髯華。

前題

陳子龍

灞陵濃柳疊春姿。玉勒衝烟人不羈。射虎月腥弓

影瘦。鞞鷹。風疾。袖痕。移戴。星醉。入青。娥館。觸夜。潛
行。黑帝。祠。驃騎。旣封。胡虜。弱。年年。寂寞。羽林兒。

前題

顧開雍

生長。燕山。宿將。家。十三。走馬。出胡。笳。黃金。不萬。羞。
窺。劍。駿。骨。雖千。亦挂。車。恂。辯。語。云。隴。右。李。風。颺。定。
是。曲。侯。邪。君。王。欲。竟。西。羗。事。白。髮。關。門。理。歲。華。

野祠

周立勳

江頭。細雨。竹花。輕。古屋。荒涼。綴。晚鈴。鳥。鶴。遍。巢。延。
夜。月。君。王。遺。像。照。殘。星。寒。簾。自。閉。村。巫。祝。廢。鼓。猶。

來。山。鬼。聽。不。及。田。家。香。火。重。年。年。社。日。走。魚。腥。

前題

陳子龍

禾黍。灣通。小徑。邊。橫。溪。石。馬。臥。寒。烟。畫。圖。詭。僂。知。
吳。俗。題。額。荒。茫。設。漢。年。安。穩。燕。雛。巢。繡。幕。起。居。龍。
女。剝。花。鈿。老。巫。歿。後。神。靈。歇。新。鬼。傲。傲。舞。廟。喫。

前題

夏允彝

出。出。風。嘯。空。簷。悲。綸。紛。莎。蔓。纏。雲。旗。黑。陰。凝。霰。斑。
鬼。額。穿。溜。鬱。茵。崢。神。睂。習。舞。留。酸。犒。拱。鼠。傳。燐。飛。
騎。掩。薨。夔。瘠。腥。奢。禱。巫。未。倦。竭。歷。前。村。曾。臥。犁。

前題

李雯

落日沉沉原草涼。顏紅荒碧亦祠堂。神鴉啄樹哨
早殿。鬼馬脫韁遊廢廊。篝火夜賽巫舌健。游光晚
出村。心忙只今苦歲魚腥儉。風雨搖蕩神靈傷。

前題

王元玄

南嶽尊峯稱秩禮。一祿風雨亦靈祇。稻畦春浸迎
神路。竹塢宵聞深魅詩。瓦上誕誣香漠漠。村巫獯
劣舞。傲傲可憐雞爆供。輸役賽鼓今年且漫祈。

前題

宋存楠

極目蒼烟翠藹羈。碧椽獸瓦立欹危。鳥巢松栢翻
殘蘚。童牧牛羊下斷碑。畫壁霓旌全鬼魅。平田野
燒出琉璃。殷勤俎豆酬興廢。黃土難持白玉姿。

前題

徐孚遠

荒烟遺廟點蒼蒼。風吹蕭疎蕩日涼。栢古巢烏深
沒樹。臺空遺鼠獨遊梁。賜禹騷瑟常鳴匣。畫戟參
差靜掩芒。多盜且須勤禱祝。齊巫歌舞八祠忙。

前題

朱灝

郊荒埋日聚鴉村。獨水兼天痕待吞。廢草却烟傳

碧火篆藤居。魅出驚。蜿臺承。法露滋。幽泣幢。飽淒風。嘯舊魂。雲路眇。光侵月。歿苔連。斷碣自為閣。

前題

彭賓

獨樹溪頭轉。廢祠雲迷伏。獸意難持。烟餘香積。秦時鼎燭末。風傳巫氏辭。鬼嘯兩廡縹。瓦墮蛇盤曲。蔓遠林疑青。壇燿火時陳。燎莫說。祈年報賽遲。

避地

周立勳

忽忽乾坤寇盜催。江南無雨亦堪哀。時危不得舒籌策。主聖何妨蔽草萊。已歎黃金能結客。敢歌

白石自通媒。瑯琊殺氣高。邊徼遼海征。人日未回。

前題

夏允彝

山東豺虎新成長。江外征輸帶覆傾。世亂不聞終諱盜。時清何得厭談兵。未隨管氏還踰海。且結龐家事。偶耕天下英雄廣。武嘆幾人草畧就。聲名

傷春

周立勳

黑虹纏日侮春風。萬甲齊光海岱東。平閣草涼初燕集。小城花隱暮鴉通。軍輪欲渡淮烟梗。使節何來塚識空。極目未堪愁遠事。茅齋能結且相同。

其二

桃花漫漫水為隄。戰骨初高新雨迷。沙暖鳧歸愁
自習海寒鯨起勢難擠。上都遊俠調鷹馬。壞邑流
亡泣鼓聲中使頻傳催賦詔。不將芳草事春畦。

前題

李震

碧動江天萬里姿。中原此日厭旌旗。青袍白馬渾
常事。玉帳金鞭何處施。河北不聞食桑椹。海南無
路貢離支。低飛鶯燕猶無賴。啄盡銜蟲春日遲。

其二

陣雲遙覆海春寒。上國花前傾酒難。南穀莫教鴻
羽送。北軍不解栢脂餐。朱旗日擁宮中使。白簡無
勞柱後冠。歎泣江南荷鋤子。十年社鼓不成歡。

前題

朱灝

桃然烟幕似傳烽。蠢動東方蟄盡從。月射就弦猶
引滿。榆錢催莢不支供。風生口角多談虎。雲鬪心
旗有見龍。吾郡有龍虎見闔扇欲修遮毒霧。春壇雖立積
愁封。

其二

香離粉破甚春慙。風勁無光不媚藍。蟻陣徒排唯
怯鬪。蜂衙不靜為分貪。苔青昏眼文埋冢。星白荒
鏃劍破函。沉悶幾添燕社雨。欲酣無國夢無庵。

前題

夏允彝

春入平蕪花氣流。淋漓蕩艷不相收。江南波濶征
輸急。淮右煙迷榛莽浮。光瘦秦山妖暈月。沙肥齊
海血殷洲。登樓愁望搖空碧。弄翼新禽未解憂。

其二

搖搖新草含天碧。柳疊愁煙思不羈。黑水風腥黔

技盡蒼梧日。冷楚雲危旄頭芒。惡橫鋌戟貂尾崢
嶸秉鉞麾。天子勸農曾下詔。來年秋稅近春追。

前題

宋存標

感時無計挽天河。憔悴春雲酒一壺。風雨妒人花
信惡。烟波隔岸夜愁多。涕應唾海全無謂。笑即轟
雷可奈何。塞外悲笳催日落。肯教壯士漫揮戈。

前題

宋存楠

踏翻花路騁華驄。恨碧羈紅志未酬。北地紫貂朱
袂艷。南天白日黑虹愁。流亡瘦骨知青塚。征戍狂

烽。罨。荻。樓。短。服。雕。弓。誰。格。鬪。雄。心。牢。落。在。封。侯。

前題

徐孚遠

聞。道。妖。星。纏。海。東。正。逢。南。國。洗。花。紅。新。鶯。相。語。多。
愁。耳。故。柳。長。飛。自。逐。風。擁。甲。蒼。黃。歸。士。變。建。牙。遷。
次。大。官。同。人。人。頗。牧。憂。明。主。領。護。還。須。出。禁。中。

其二

作。健。東。兵。近。上。京。春。來。消。息。未。分。明。已。傳。薊。北。劉。
公。節。復。斥。淮。南。表。弟。名。沙。漫。綠。圍。沉。折。戟。風。吹。碧。
浪。擁。懸。旌。獨。愁。田。客。連。餘。勢。出。沒。烟。波。未。可。平。

其三

角。鳴。一。夜。變。難。詳。帳。下。千。羣。成。虎。狼。突。騎。不。驅。遼。
水。戰。歸。師。翻。作。濟。西。防。博。徒。中。立。將。軍。急。劍。客。招。
來。中。使。忙。羽。檄。不。須。頻。召。募。于。今。戎。伍。正。飛。揚。

前題

陳子龍

江。南。春。放。五。湖。東。花。氣。傷。心。萬。國。同。滇。表。烟。迷。金。
馬。廟。海。濱。烽。迫。魯。王。宮。占。星。夜。泊。蒹。葭。雨。結。客。朝。
隨。楊。柳。風。猶。是。太。平。無。早。計。茫。然。舉。事。為。誰。雄。

其二

深○愁○柳○葉○護○烟○湄○不○及○兵○前○學○翠○睂○鴻○射○秦○臺○涼○
月○暗○燕○焚○海○屋○漲○雲○悲○紫○貂○刻○玉○釐○標○纛○白○馬○橫○
金○虎○識○旗○石○隱○未○能○當○任○俠○擬○辭○黃○綺○結○袁○絲○

雪

陳子龍

札○札○紛○紛○弄○雨○工○紫○皇○新○在○蕊○珠○宮○初○隨○碧○海○三○
更○月○旋○舞○紅○樓○五○夜○風○孔○雀○尾○翹○金○照○耀○永○蠶○絲○
織○玉○玲○瓏○年○來○耕○盡○藍○田○土○止○有○盧○家○堂○更○空○

其二

西○母○瑯○玕○飼○鳳○凰○粉○飄○銀○漢○隱○紅○牆○連○宵○樓○閣○能○

通○火○永○日○簾○櫳○不○避○香○三○尺○鮫○人○永○作○剪○五○銖○姑○
射○水○為○裳○乘○鸞○萼○綠○迷○雲○路○指○點○青○溪○白○石○郎○

其三

牀○引○紅○牙○簾○釘○犀○絳○紗○浙○浙○小○樓○西○竹○房○半○欲○塗○
雲○母○椒○實○全○驚○吐○火○齊○鴛○瓦○曉○深○連○玉○樹○鳳○鞦○朝○
起○踏○銀○泥○依○稀○不○夜○城○中○夢○恨○有○寒○啼○碧○野○雞○

前題

李雯

麗○藻○迷○愁○不○可○支○瓊○樓○高○在○碧○潯○滑○羽○葆○萬○蓋○遲○
鸞○馭○組○練○千○林○偃○翠○旗○蕙○帳○小○開○琴○靜○悄○青○城○不○

夜鶴襦襪趙家玉體矜寒際可要墻東射鳥兒

其二

帝女瑤寒施誕粧玄洲瑤圃更相望燭銀夜照飛
瓊入琅實先教青鳥嘗天上可曾裁白紵人間多
自舞霓裳楚王旣晏章華醉翠被濃香倒玉床

晚晴見紅霞覆積雪

積素荒荒更不開咸池返照白龍堆已羸滄海塵
三斛更接天家酒一杯絳節仙人雲府度紅鸞帝
女玉山回可鑠同載魂猶斷漢武雄心曼倩才

前題

李雯

遠白高寒意未收夕陽闌射閣西頭珠塵谷量輸
青海瓊液壺傾灑聚洲鶴斃明童迴錦袖絳綃玉
女爛星眸紫霞宮裏渾常事散作登樓一段愁

觀治兵累日

周立勳

天狼昨夜下吳淞次將論兵屬仲冬月黑雕弧疑
射虎霜清組甲似騎龍扶胥晚障攻圍合鼓角宵
嚴訓練重莫以防胡非此地只今閩海正傳烽

其二

落日喧喧呼噪通。揮兵指刃事稱雄。連年烽火咽。
 喉地盡日旌旗首尾中。戲士樂傷爭健。架帳兒習。
 射臥持弓東南畫海為遊騎。更取矇矓付阿童。指

也帥

觀射

李立雯

平原草短角弓涼。年少分朋出射堂。銀鏑入風驚。
 餓鶻鳥珠照日傍。垂楊只今四海多傳箭。幸有三。
 吳未戰場身是隴西。獲臂種可憐無力下天狼。

聞山東捷報有喜

李雯

聞道三齊海霧開。封狐雄虺竟何才。將軍戈篲田。
 橫道馘虜腥高韓信臺。始見臨邊多壯士。莫言聖。
 筭不驚雷中原自此消羣盜。鐵騎無煩再北來。

其二

千騎東方秋戰天。幽燕諸將解圍還。波臣不與鯨。
 鯢橫內孽誅為胡虜先。出郭人民求橡藿。歸村爨。
 火帶烽煙願聞。天子安民詔。牛種明年賜福田。

初夏雜感

周立勳

蘆風散雨入行舟。蘭漿雙催自客愁。野綠勢能齊。

萬樹山青事不到。孤郵何年兵革。東方隘。今日征輪大地。求父老。勸農勤發土。江南無黍亦堪籌。

其二

風雨何愁四野中。開渠納水亦淙淙。柳溪不動雲爭下。麥隴初除燕自通。詞客飛騰歸黨禁。孤臣荒遠。豈天夢便應挾策投。明主坐對青山未可逢。

前題

陳子龍

麥隴初晴烟火收。碧溪水鳥踏新愁。吳農減食猶懸。拒漢使乘傳問滿篝。塞北呼庚終餓虎。江南分

野本牽牛幸無自惜疲殘骨。此地忠勤三百秋。

其二

江南風雨綠初清。有客登高意不平。肅慎矢曾飛北地。昆明錢尚阻西京。宮人新少傳封事。常伯徒勞典禁兵。願上洛陽流涕語。更端歷難漢公卿。

前題

徐孚遠

高樓霏雨暮烟并。入眼凄凄放綠平。播穀豈勞聖主詔。賜年常苦大農爭。青袍馬上不知數。白紵鈴前只署名。幸有江南添息壤。泥塗禹貢未分明。

前題

彭賓

海濤吹雨。棟花秋軟。土新畦接。細流草具。暫充欣野。食赫書飛。下歛青疇。土膏盡廢。推南服天府。奚為困一州。願得極邊多戰士。吳農力竭未辭休。

其二

定綠流煙不可收。羈愁無限暮登樓。雄鳩得主能讒鳳。摯鶚驚虞思近鷗。天子沈憂獨胡虜。群公大業極徵求。無才不得誣今日。管樂悠悠空白頭。

無題

周立勳

窮陰漠漠下重幃。檢點寒花雪後稀。珠閣半沈鸞竟去。銀河不斷鵲曾飛。最憐酒醒初回夢。更憶歌殘自理徽。神女佳期原珍秘。高唐一賦有微譏。

其二

秦樓消息意難孤。玉管寒吹永夜徂。翡翠疊裙連菡萏。鴛鴦宿枕綴珊瑚。已教北燭幽期斷。未信南筠恨事無。寂寞鬢雲愁不改。傷心豈復解吳歛。

前題

夏允彝

天上行雲未遣收。人今獨立鳥多儔。晚花惟有芙

三十一
蓉艷斷水難禁。蘆荻秋已絕。商絲怨楚雨。莫歌黃
淡贅吳愁。江珠洛珮尋常事。偏我含思羈白鷗。

穆天子

李雯

穆王管日厭皇州。白首增城號壯遊。天子龍鸞雲
上出。群臣猿鶴野中秋。西來草木多英異。北望河
山足冥搜。玉果金膏携滿轂。壁臺猶有盛姬丘。

前題

陳子龍

穆滿西征天外期。弁茲日影動旌旗。赤烏美女新
參乘。蒼壁氷夷導六師。已有笙簧歡阿母。尚愁風

雪凍。殤姬猶踰漢帝誇。神馬徒築崑崙使者詞。

景陽井

李雯

宮井當年歛翠華。景陽休唱後庭花。不堪羅襪欺
寒藻。賸有燕脂染暮霞。永夜銀牀輟曉綆。千秋玉
砌炯幽葩。可憐僕射還衣錦。素頸殉王獨內家。

春夜深雨聞隣家絃弄

陳子龍

曲巷通烟泛柳枝。輕寒玉簟黑離離。肥香會伴紅
絃語。密雨遙籠白紵詞。風展小纖聲入瘦。夜沉空
艷影爲姿。簾櫳愁絕王昌夢。春氣虛無燈暗時。

有夢

李雯

雙栢亭亭倚墓墳。七年迴首怨秋雲。極知溫玉今來冷。可奈餘香猶自聞。綵蝶疑來寒翠帶。清霜想已拂羅裙。鴛鴦久愧韓憑鳥。永夜吟思特為君。

中秋風雨懷人

陳子龍

誰將幽怨度華年。河漢濛濛月可憐。落葉黃飛妖夢後。輕綃紅冷恨情邊。青鸞濕路簫聲歇。白蝶迷魂帶影妍。愁悵盧家人定後。九秋雲雨泣嬋娟。

前題

李雯

桂樹飄搖尚有枝。芙蓉細瑣不成帷。如聞瓊珮秋蟲語。何處嬋娟明月姿。瀟白廣陵空夜雨。珠明合浦隔雲濬。秃鷲已滿江河隘。會欲乘螭拜武夷。

至韜光嶺

周立勳

一徑雲開萬竹光。樓高細靄辨微茫。空浮江白來鴻雁。全擁山青雜虎狼。海嶠氣涼秋大出。松亭日靜晚逾荒。即今天地皆兵戰。極日中原未可忘。

前題

陳子龍

鳥道斜盤亭午時。清秋高閣動深悲。湖山南浸雲

生○雜○江○海○東○風○日○照○危○入○檻○尚○餘○龍○鳳○勢○到○人○誰○
 見○虎○狼○姿○僧云有虎穴管○年○愁○悵○偏○方○事○吾○輩○登○臨○獨○
 釣○奇○

渡錢塘江

顧開雍

江○畔○陰○雲○直○午○昏○潮○聲○大○出○海○東○門○山○鐘○到○岸○愁○
 分○越○吳○鳥○投○沙○秋○背○轅○場○灶○火○紅○通○馬○戶○居民倚江煮鹽
東連海畔下○舟○風○白○入○牛○湓○中丞置艘百餘以時巡警其不入號者輒通與夫為
奸名曰下舟客不察而濟此每風雨大至蒼○茫○射○
即揚帆東之不知所往或殺其人投之江○
 弩○知○何○力○麓○上○城○高○勢○拒○塵○

同遊陸文定公墓舍

陳子龍

斜○照○松○涼○小○徑○明○紅○橋○繫○柳○晚○潮○平○玉○魚○寒○露○菰○
 蒲○冷○石○馬○秋○風○禾○黍○聲○有○樹○艷○牽○霜○後○色○隔○溪○香○
 斷○月○初○情○高○原○豈○是○理○愁○侶○我○獨○傷○心○對○九○京○

前題

李雯

晚○柳○秋○蒲○迴○曲○塘○低○欄○清○影○暗○吹○芳○栢○籬○罨○罨○新○
 藏○麝○楓○岸○離○離○欲○待○霜○劍○佩○如○存○遊○月○出○麒麟○不○
 鬪○暮○雲○長○茫○茫○直○視○皆○塚○壘○獨○向○平○原○吊○夕○陽○

夜夢登岱

李雯

身臥江南遙海邊。夢飛何事故僊僊。雲旗不阻神
房道。岳氣能通日。觀天碣石歸潮洗襟袖。吳閭立
馬帶風煙。可無天子登封事。願助金泥玉檢篇。

即景

時方立夏

周立勳

樹色含烟日走西。暗雷晴逼雉雲低。高樓欲斷千
門雨。曲沼曾通二月澌。舊鶴向人猶健舞。殘鶯送
客不難啼。相隨故事惟庭草。翠竹流光綠與齊。

前題

王元玄

高閣陰霞沒且遷。竹涼隨戶納聲專。小魚戲喙無

餓態老鶴交。飛未肯眠粉蝶障。狐餘數石空倉擲。
鼠鎖哀煙郡家忽。忽憂兵火一望良籌已。筭全。

野泊

周立勳

春陰寒雨滯歸程。對酒難歌倦後傾。折柳何年惟
別恨。看梅此夜不同情。煙留遠樹村先暗。風散平
江波乍生。白鷺雙飛蘭槳外。愁看山靄暮縈縈。

寒郊野坐

夏允彝

浩望平煙貯晚寒。清郊遠浦淨漪瀾。竹竿裊裊青
無數。野日荒荒紅不安。秋去高林涼古殿。人依宿

奔竹歸翰。何當騰氣蕭風上。千騎雕孤射雉看。

春盡

朱灝

離離綠。悟昨紅。非。草木留昏雲拂衣。山帶貼空風。
作剪。花身。勝。遠水成妃。野收迷藻晴消亂。林養深
菁陰。遽肥已老。碧絲春遣。別應門苔長。暮無違。

前題

宋存楠

幾日春光未忍歸。滿欄妖萼吐薔薇。櫻桃不夜珊瑚色。
玉版今朝玳瑁衣。遠樹碧雲濛翡翠。游絲濕露濺珠璣。
爲憐燕子香泥重。金屋慙慙更啓扉。